

叢書集成新編 第七四冊目錄

文學類



文別集—宋

韓魏公集二十卷(一)(卷八至

二十)

楊龜山集六卷

尹和靖集一卷

李忠愍公集一卷

張橫渠集十二卷

朱子文集十八卷

張南軒先生文集七卷

羅豫章集十卷

呂東萊文集二十卷附提要

龍川文集三十卷附附錄、辨

譌考異二卷

眞西山集八卷附提要、補正

魯齋集十卷附附錄、補遺

謝疊山集二卷

獻醜集一卷

所南文集一卷附附錄

宋 韓琦撰

正 誼 一

宋 楊時撰

正 誼 四三

宋 尹焞撰

正 誼 七五

宋 李若水撰

畿輔 八五

宋 張載撰

正 誼 九〇

宋 朱熹撰

正 誼 一三七

宋 張栻撰

正 誼 三〇八

宋 羅從彥撰

正 誼 三四七

宋 呂祖謙撰

金 華 三八〇

宋 陳亮撰

金 華 五〇四

宋 眞德秀撰

正 誼 六二五

宋 王柏撰

金 華 六六八

宋 謝枋得撰


正 誼 七二一

宋 許棐撰

百川 七三三

宋 鄭思肖撰

知不足 七三六



韓魏公集卷之八

書啓

與文正范公論師魯行狀書

某啓。辱教示及之翰。所撰師魯行狀。俾附永叔作誌文。讀之思其人。悲咽不能勝。觀所載事。又有與聞見殊不相合者。大以爲疑。及閱尹氏姪子辨列。則皆某之疑者。於是釋然無所恨。而喜尹氏有人矣。甚善。某憶公前書。道師魯將亡時。公亟往而謂曰。師魯平生節行。當請歐陽永叔與相知者爲文字。垂於不朽。師魯舉手叩頭曰。盡矣。某復何言。某又嘗接師魯言。以爲天下相知之深者。無如之翰。則於紀述之際。宜如何哉。今所撰書。若不先由之翰刊正。遂寄永叔。彼果能斥其說。皆以實書之。則行狀與墓銘二文相戾。不獨惑於今世。且惑後世。是豈公許死者之意。果可不朽邪。之翰果盡相知之誠。不負良友邪。嗚呼。師魯有經濟之才。生不得盡所施。謫非其罪而死。又爲平生相知者所誣。以惡書之。是必不瞑於地下矣。實善人之重不幸也。且前賢行狀。必求故人故吏爲之者。不徒詳其家世事跡而已。亦欲掩其揚善。以安孝子之心。況無假於掩而反誣之乎。夫生則與友以實直死。則加惡以避黨。此固庸人之不忍爲。豈之翰之心哉。但恐不知其詳耳。然不知其詳而輕書之。以貽今世後世之惑。使師魯不瞑於地下。爲交友者不得無過。今聞之翰領江南漕。必已離安陸。願公不以千里之遠。遂以行狀附還。使詳尹姪之說。悉刊其誤。然後以

寄永叔。必能推而廣之。使師魯之行實。傳之光顯。垂於無窮。則公之許死者。是謂踐其言。天下忠義之人。皆有所勸。公之名德。益重於世矣。幸甚幸甚。

獻所業上兩府啓

右某啓。某聞竊微帶於千金。誠幸自見。薦朽株於萬乘。尤賴先容。其有選儒徵材。崎嶇末宦。久滯窮路。思振拔於滄塗。而欲妄輯蕪編。輕塵藻鑒。希盼陳之成飾。俟獎勛以增榮。雷門街布鼓之音。固非並力。溝水享機杼之用。或預輪材。恭惟某官。名擅八區。體兼四業。含辰象之秀德。作社稷之元龜。仁表五色之雲。鬱爲天瑞。夏禹九州之鼎。洞察神靈。登壇望以熙朝。鼓懿文而繕俗。以遠慮深籌。宜圖美。以清微雅準。鎮時風。秦階之平六符。陰陽克順。洪鈞之陶萬類。動植無私。而自寅亮聖明。度恭機密。運尊主庇民之策。推懷仁輔義之誠。魏相持衡。海內歸於禮讓。李膺當位。天下宗其楷模。容養致隆。嚴辭載協。用能三精昭泰。百度熙康。贊珥極以增輝。幹璫樞而自正。凡居銓造。孰不傾願。如某者。質異湘琳。器同屈軫。有斷斷守善之節。無超超拔俗之名。腹背之毛。豈飛翔之足用。困牢之物。雖視息以何爲。矧惟越在穉年。奄丁先朝。闕漸詩庭之訓。居權聲室之貧。徒以篤志細圖。游精翰墨。念家世衣冠之後。慕門藩筆紙之勤。然而隨壇易迷。滯隅多失。見封而戰。在考實以終疲。畫虎不成。幾失其真。而增累。欲徇及親之祿。彌專賤璧之心。幸以國家。勅物著明。車書混一。與禮學而陶遠。疏軒冕以崇賢。舉宗周論士之科。獻能式敘。啓炎漢得人之路。畧行駢議。蓋充秀於神機。獲程文於禁坐。誤中乙觀之選。叨塵甲等之榮。匠局參司。候封贊部。曾微速最之效。偶道尸官之尤。方代成瓜。倏悲風樹。暫奄終於喪紀。復再齒於仕途。所宜匿景下流。牽絲外屏。樂詠中和之職。虔修愛利之經。伏遇某官。揮沐光宗。施仁。虛襟好善。沛商霖而作潤。照鄉律以爲昭。某是敢勉贊斐狂。直干鈞重。藉蒼馬勃。庶采掇之未遺。蟲臂鼠肝。亦生成而盡在。僭借卿雲之惠。實逾龍緘之褒。內授惜差。徒深悚汗。

謝直集賢院啓

右某啓。伏奉制命。蒙恩授前件官。充職者。麟殿飛綬。驥玷登瀛之列。鸞雛縹緲。猥參鳴玉之行。荷慈渥之至優。接屏輦而罔措。龍靈攸暨。榮榮倖交深。竊以壁府二星。燦天章而盡在。義圖八象。示帝籍之有開。考遐家之相沿。憲豐規而迭紹。聲明浸盛。朝物增輝。所以周法命官。志四方於外史。漢庭典祕。講六藝於名儒。伯陽推聖之賢。子雲當天祿之業。追開元之精歷。啓麗正以崇英。用能演暢鴻猷。詳延碩彥。奮三長之懿譽。釋四部之羣疑。矧屬歲換丁辰。照清蘭化。修應古念舊之則。備紀言書事之官。委閣盈轄。洞分於寶。爐煥抱。遷集於珍華。加祿廩之載豐。峻員程而式敘。諒匪才謏。博瞻器識。淵宏茂學。際於天人。精忠絢乎道德。叔駿之居祕省。自成十典之文。仲恩之在宣明。克定五家之說。則曷以探奇禹穴。簞直嚴庭。騰翰墨之林。按武鴻鸞之黨。苟從虛授。實淺清塗。如某者。嘉善無稱。冥頑有素。招叔夜頑疏之累。負延之陰薄之譏。徒以級範承家。綿綢勵業。捐軀待貴。安陵於清芬。東髮從師。常希於善教。第學治姑務元宗。偶嗣聖之凝圖。肇臨軒而策秀。四門啓蕭。幽隨必軌。數路得人。庶良並進。幸升名於貢廩。獲較藝於宸庭。

會徵拔藻之工。誤中決科之選。樂士敢先於隗始。飛聲辱在於盧前。匠豈爲僚。封侯贊部。自首公而賦政。常獨疲以疚懷。千室鳴絃。豈布中和之頌。一官爲集。坐墮述作之勤。當奉訂以言旋。遂遭憂而去職。負米百里。何追顧復之恩。泣血三年。絕念寵榮之事。見譚盡傷於藥。窮詩迫於藥。我主簡易。還衣冠修變。暨入趨於法座。獲再齒於官曹。誠欲晦迹下流。宜勞外役。決水冀蘇於渴。願隱情慮於寒蟬。是用安輯。蕭編。輕塵乙覽。遂明歸於宰府。諸給札於仙方。玉署沈嚴。驚華遠寄。奉調題而思軋。歸景以魂馳。賦乞一聯。豈恨凌雲之氣。詩成三刻。難借鍾月之才。矧是蒙委。復肩郡。青錢萬選。互振於英辭。碩鼠五能。空呈於短技。在道妍之無取。誠報罷之是宜。豈其神造曲成。文衡協玉。謂鉛刀。利足參赤莖之精。瓦缶揚音。或繼黃鐘之韻。故得容臺命秩。冊府登榮。司絕野之盛儀。玩金縢之祕牒。雖文史足用。想無曼倩之能。而英俊並游。竊效枚生之樂。被旌收之不次。知題拂之有因。此蓋伏遇某官。粉澤帝謨。璫篋容律。掃五潢之靈淵。加一字之殊褒。鐵羽將沈。願假鸞霄之翼。麥莢未變。潛回鳳律之春。是使幽蹤。叨應騰。壯敢不編摩勸志。忠藎存誠。循考父之益恭。究黃香之未見。獻奇文於東觀。力慕前修。抽靈匱於祕宮。更精博習。上答高柔之惠。次酬獎拔之私。過此以還。未知所措。

同前

右某伏蒙聖恩。授前件官充職者。絕野參司。書山蓬迹。荷寵靈之不次。積震懼以無從。竊以天祿崇英。啓漢家之全盛。瀛洲命俊。贊唐室之重熙。必資開敏之才。用闡洪鑒之化。苟容虛授。實濫清塗。如某者。嘉善無稱。冥頑有素。幸對休明之世。猥處高妙之科。丞匠監以爲僚。佐藩條而莅政。方膺茂代。遽親親喪。顧尺景之易馳。念素冠之倏變。暨諸陸見。再齒官曹。安陳奏御之篇。願展程書之覽。蘭臺給札。玉署繕毫。慙執轡以非工。諒榮顯而何取。豈謂文衡辨等。禁坐宜慈。驟進秩於容臺。俾紉書於祕殿。內循恭冒。抑自品題。此蓋伏遇某官。解律回春。星漢淵淵。曲借齒牙之論。潛加絳冕之褒。是使屏蹤。亦叨殊命。敢不靡編勸志。忠藎存誠。上酬天覆之仁。次答已知之惠。

謝知制誥啓

某啓。伏奉制命。特授前件職者。諫議陳事。將墮厥官。詞掖升榮。遽冒其寵。恩出非望。懼無所從。竊以朝家之光。典誥爲重。出令不復而猶汗。當謹其初。受命明之而如緇。貴通乎體。向匪代推傑筆。名發珍華。省樹不言。謹而無漏。吏書將廣。敏且有餘。則何以循期清切之司。演裁深厚之訓。申嚴百揆。鼓舞萬方。在選之艱。非才孰稱。如某者。人評素下。門緒本孤。早承先機。得肆素業。章句所守。大道弗明。篆刻之爲。壯夫攸取。幸屬選賢。且舞翟右文。與上計以借來。預中樞之親策。優應辭等。出倅羣條。瓜戍及期。方諧受代。竊人懷痛。茲用去官。逮於終喪。勉而還職。獲踐圖書之祕府。旋嬰管庫之允曹。越去儒英之躋。甘從俗吏之役。內史之治。式於庶邦。司會之聯。均乎衆用。繼被使煩之任。皆無舉最之稱。天子倦游。徒傷四壁。仲容思出。欣假一麾。輒抗章而自陳。亟爲郡而獲請。上方垂意治本。樂聞善規。曲枉必容。獨許盡探。則尤諫署之缺。專責官箴之勤。荷知特殊。惟死圖報。不虞摩上之過。第竭愛君之心。勉宣之疏。少文汲黯之責。甚懸於其

任直。謂傾慮者之忠。惡彼用方。或陷囚人之目。條陳茂問。無補朝猷。縱寬田舍之誅。宜取士師之黜。豈謂聖恩採善。賢弼推公。擢躋西省之居。重汗高門之地。內循叨竊。抑有寅緣。此蓋伏遇某官。左右昌朝。翼宜至化。協助善莪之育。遐資美質之和。陶治所宜。不私於器。輪轅之道。各盡其材。是使孤生。亦塵清貫。謹當飭躬無怠。砥節自修。祇循四禁之文。種究三盤之範。精述作之旨。雖難與於古伴。謹操履之常。誓不乖於時變。謹弼食浮之隨。仰酬鑒造之私。過此以還。未知所措。

謝復官啓

右某啓。伏蒙聖恩。特授前件官者。以罪徙邊。本惟勸後。推恩復秩。是亦責功。寵賚所涯。感繼以泣。伏念某。學惟滯固。性實樸忠。偶竊榮科。遂應應仕。有憂國奉公之志。無干時求進之心。誤彼聖知。涖膺器使。而自氏光背。忠帥府擇人不圖。下材擢贊西略。習俎豆之事。焉可語兵。服夙夜之勞。豈忘思職。寸勳未立。大咎已彰。當隴坻之撫師。會凶渠之入寇。亟呼諸將。躬諭密謀。但雙歸塗。勿迎銳氣。何偏裨之說。非節度之所從。一至敗亡。上挫威武。世情樂禍。譏謗互興。天量包荒。含容至廣。薄示貶官之典。尙叨補郡之行。惟秦之雄。爲塞甚重。難俗易變。編氓久疲。衆務必視。庶將補過。羣言未弭。孰敢求伸。豈謂當展於恩。出輪頒命。特中昭洗。俾復舊聯。退量忝冒之由。誠出庇存之賜。此蓋伏遇某官。翼藩帝室。左右皇猷。惇善莪樂育之仁。情繇木先容之惠。是令棄物。獲漸顯階。謹當策厲。激揚壯節。隨作無免。有死而不回。隱情以度。固圍而加謹。一戍拙效。少答至公。

謝觀察使啓

右某伏奉制命。授前件官者。責之軒蔽。思正龍名。委以察廉。遽辭近職。恩靈所被。感愧兼懷。伏念某。出於單門。素無他技。偶應科選。遂竊榮階。不能從儒英之游。自求安逸。而乃親俗吏之事。力奮愚勤。誤膺聖知。繼被煩使。惟許國之願效。實當守之可知。而自光醜肆狂。天兵議伐。首參經畫。備歷險艱。暨降守於塞垣。愈罄宣於忠力。寸功未立。寵數有加。驟分連帥之權。彌發戎行之觀。雖衆人之論。謂匪美遷。在拙者之誠。獨無過望。蓋以冠綬未移。兵調方興。宵旰貽憂。廟堂精慮。使白衣而奮命。尙所甘心。矧清詔以宣風。密忘樂職。內惟忝冒。全出獎延。此蓋伏遇某官。助樂育之仁。奉仰成之治。文武協弛張之道。邊鄙有左右之臣。是使屏庸。余叨甄獎。敢不講求多算。審定全謀。勵貔虎之雄師。逐蚊蚋之凶黨。夙夜以報。幾錄於微勞。衡鈞惟公。幸還於舊物。惟堅介節。上答宗工。

上大名知府王龍圖啓

右某。伏念鄉者。獲預府僚。備觀神政。次公精力。在廣漢推誠。縱低仆而何避。顧泉之能。甚短。慶雲之覆。彌光。屬茲全魏之封。式重北門之寄。求求威望。實賴綏綏。暨增秩以云征。固懸軒之罔及。會補計庭之缺。方迷吏凡之繁。奏記殆疏。視顏滋厚。近者敢謂。弗遺允迹。特嗟鈞函。寵眷未移。尙記原籍之舊。謏言載美。更踰魯褒之榮。玩誦以還。銘藏志永。仰計奉細書而流愛。獨衆疾以留人。慎夏有方。御和臻粹。恭惟某官。忠清毓。明哲保躬。早逢吉於亨期。薦騰於顯著。才猷益劬。簡注致隆。而自尹正王機。恢張

治具。茲說自息。不煩鉤距之能。狂狷無冤。動協寬餘之禁。矧是兩河之要。居爲萬世之防。生版章昌。使輶
有午。暫副任良之典。往宜鎮俗之風。偃息爲藩。廣歌臺之樂。彌綸作輔。卽居槐鼎之崇。惟祈上爲邦家
精調凝寤。

代張若谷密學謝啓

右某啓。伏奉制命。云者。禁坐推恩。曲加於散質。樞廷寓直。驟玷於榮資。荷寵典之載優。撫屏軀而自愧。
竊以國家順稽古道。仰憲先猷。必登用於碩才。俾雍容於近列。諒匪行能純正。業履清修。當帷幄之高謀。
繼天人之妙識。則曷以揚蕤。歷仕注意嚴宸。參夙夜之微。預朝夕之論。思之未。苟從虛授。宜卹華言。如
某者。學昧經綸。氣非宏拔。僥幸丁於休運。飛綏久冒於清塗。平子佐時。安明於遠略。世英補過。盡罄於
勤誠。拙效自伸。殊聞莫著。屢副百城之寄。繼持八使之權。賢知惠民。固乏野王之詠。澄清攬轡。徒希孟博
之風。何旋展之念。庸復江淮之領。清未豐年。猗猗計庭。析宅無言事之功。發刃募投。旋分漢竹。
出守并門。俯塞嶺以開疆。控股肱而作鎮。布中和之頌。但樂於熙朝。宣愛利之經。鑒鑒於衆。縶縶終歲課。
獲觀宸閣。奉三尺以評刑。方選審謹。贊萬機而補職。逮荷甄陞。遂得密侍清光。峻嶺顯著。接武瀛壖之品。
登觀閭闔之行。內省黃綬。實資甄獎。此蓋伏遇某官。闡降蕭臺。翊輔堯仁。塞谷成暄。咸均於煦。大鈞播
物。畢遂於蕃滋。是令平進之流。亦被殊常之澤。敢不虔修國祿。恪奉官箴。順禮文造膝之規。謹易道失身
之誡。上答雲天之造。次酬槐鼎之私。過此以還。未知所指。

代司封兄上昭文相公啓

右某啓。伏念某選儒微才。羈孤散質。逢辰樂仕。刻意修方。誤著片勳。衆慶公薦。書名無取。浮食益彰。爰自
罷歸。周垆。出參漢竹。幸賴景皇容覆。真幸於全。竊思墮政之尤。再見凋年之律。而復門衰祚薄。福鮮雙多。
轉居坐困。於藁藁。鴻序奄奄。於風樹。棄獨委路。分爲樵樵之資。其誠升詩。絕希薪槁之用。阻親延賢之館。
疏馳奏記之誠。蓋播迹之至勞。權躋尊而取戾。茲者敢謂台光下燭。鈞誨猥頒。操夷式資於龍章。寵臨
越。陰谷重回於風律。煦及寒蕤。捧困增輝於宗閭。報德誓捐於軀命。此蓋伏遇某官。調元履哲。當軸盡規。
居承天象極之崇。闡揮沐吐之惠。樊仲之彌縫。衰闕。允緝洪猷。巫咸之保。又王家宏恢全業。凡屬在銘
之品。成膺造物之仁。是致愚紉。曲加存勗。輟辭方諸於決。死灰猶望於重然。敢不謹布民經。恭持國檢。
滯澗窮路。偶延九死之期。振拔海塗。實賴一陶之化。

代崔勉寺丞謝轉官啓

右某伏蒙聖慈。授前件官者。十餘第課。奏最無聞。九棘詳刑。推恩載渥。荷寵靈之曲被。撫頑固以彌兢。竊
以國家紹緒惟公。慈官有典。樂賢與詠。育材之道斯隆。實實申規。畫餅之名不用。諒匪行能純備。業履清
修。奇謀精究。於吏方雅望。素高於人。則何以密預山公之啓。過垂魯國之靈。力致榮榮。坐階騰化。荷從
虛授。宜恤華言。如某者。凡偶無堪。竊自進。給刀一割。雖歸純以終。碩以五能。蓋爲技之皆下。徒以家
承。勉學。勵綿。遇聖旦之右文。齒士鄉而論秀。極宸較。叨達於決科。羽徽從軍。逮諸於策仕。冀伸拙

者之效。敢期國士之知。履易歲芳。免罹官誦。暫考庸於選部。復治牒於近藩。儉府依違。奚彰於治迹。融章
薦。而奉於言揚。逮引對於天墀。俾聯榮於月寺。幕中參贊。罷飛箭之書。膝下承歡。兼慰循陔之養。此
蓋伏遇某官。曠枯振。獎善居懷。特先蠅木之容。大借卿雲之蔭。疲驚倍價。時加翊拂之私。塞谷爲暗。潛
照厚均之律。致茲葦蕘。猥玷徽章。謹當恪守朝經。祇循士檢。佩章弦而作誠。舉務協中。飲冰鑒以存誠。動
思絜矩。上答乾坤之施。次酬卵翼之仁。

制詞

邊鎮節度使加同平章事制限二百字

門下。朕奉承先猷。統理四海。雖兩階之舞。惟文德之內修。而十乘之行。亦元戎之外倚。向匪功名自立。忠
義無渝。負全師保勝之謀。得守塞安邊之策。則曷以委之扞蔽。假以綏懷。仗節臨戎。方號軍鋒之冠。承天
象極。宜兼鼎席之崇。甄於爾勞。蔽自余志。用涓良日。敷告廣朝。具官某。調儒不羣。方毅無境。蘊沈謀而必
斷。持勇節而甚高。練鈴決之符。兵稍盡遠。頗詩書之府。儒術兼優。中外迭更。恪勤罔懈。開者顧守方之要。
擇制闕之行。以文武兼備之才。膺左右皆師之選。輟於近署。建以高牙。而能安輯封垂。訓齊候伍。中令惟
信。均要必豐。運籌先決於帷中。所賜率分於麾下。無開生事之隙。將成殄寇之勳。偉望益隆。休聲日至。朕
代天理物。制勳勳能。惟功是圖。在賞奚吝。是用卽軍而頒命。加龍以旌賢。俾參三事之聯。贊萬夫之觀。
於戲。將相之任。爲臣極矣。疆鄙之權。所寄良重。吾恩甚渥。汝報可知。無煩訓辭。惟自勸勵。

中書舍人除御史丞制限一百五十

敕。南臺風憲之重。中執大夫之亞。彈治非法。表儀羣官。必取嚴明自修。方重不撓者。以稱其任。我甄髦彥。
食實宜之。具官某。文雄學優。材敏行潔。深明當世之務。兼繼幹時之謀。而自砥節仕途。奮庸朝路。處議必
當。居官可稱。委之使煩。盤根以別乎利器。察其守道。白璧無求於厚瑕。處者擢於近署。進處西曹。專典命
書。且觀才業。而能發揮溫雅之號。演明深厚之辭。朝采益光。吾訓增重。矧以編摩之暇。開陳忠鯁之言。誠
存告猷。事亦悻悻。宜蘇四禁之任。往司三獨之權。爾其振綱紀綱。張大職業。守正則補於予治。持祿則瘵
於爾官。務求厥中。毋忝休命。

誠勵風俗浮薄詔限二百字

夫革文變薄者。與治之大。砥名厲行者。爲士之常。故清淨則化行。端慤而名顯。康世導俗。率茲斯舉。朕保
有黎。獻輯。望域。納上穹之祐。衣前人之言。以周文之小心。漢光之柔道。惟兢惟業。勤覽萬機。易嘗不悛
本體。元履者長。儉推行忠厚之教。敦任廉良之人。蓋將欲抑浮僞之風。崇禮讓之訓。嘉與宇內。同臻是塗。
然而人性易流。俗尚難一。久安涵養之惠。浸啓澆漓之源。多行險以期榮。榮作擇利而安。己入或有善。蔽之
而不言。官或任權。靡然而爭。附。姑求勝。朋比相高。苟茲蔽之弗悛。實有邦之甚憂。是用特申明諭。緝飭
多方。各宜履道求中。飭躬希古。罔沾譽以干進。思首公而盡規。官之修則上必聞。效之實則名自至。朝有
祿位。本觀賢才。儻行己以非邪。在旌能而執吝。告於中外。當體余旨。

王堯臣除翰林學士制

敕。王者登壇。所以風四方而昭衆務也。故前代贊辭。視草。雖以名臣掌之。而其任未著。唐以文治。始盛禁林之選。我朝因循。建職。恩禮差峻。須才而召。儒者榮之。以爾其官。王堯臣。冲履夷懷。清猷敏行。言必可復。而有端士之目。勤奉由禮。而有古人之風。雖者。其藝文。升冠多士。更集郡條之最。久陪詞館之游。使以煩而益精。語其進則無競。而自述其材美。擢典命書。敷余制以甚明。積作者而奚愧。覆刑職則輕重皆當。提京局則綱領畢修。矜於歲勞。休厥朝論。宜蘇西省之祕。進預北門之直。爾其蹈賢哲之範。思職業之舉。出令之始。務切於事機。備對之閒。勿忘於毗正。毋以文翰。專爲汝能。往服茂恩。以永來譽。

郭積除刑部員外郎制

敕。具官郭積。中憲曹。掌天下刑獄。分置郎屬。詳決衆務。今雖外領他局。然職望尤峻。非奏課之美者。未嘗輕授。以爾操向中立。資性外和。早富藝文。實冠鄉選。逮優中辭等。隨牒更仕。奉己以廉。著居官以幹。聞治成均之業。而善誘後來。繼踵正之書。而多得前誤。出貳郡條之寄。入參邦計之煩。風力愈修。盤錯盡解。適稽官符。當質歲成。進陪司寇之聯。尙贊理財之任。祇若余命。懋哉爾勩。

王克基除東上閣門使制

敕。漢制。諸者有僕射。以統其屬。今二閣置使。通領宿贊之職。若功次爲久。則序而升之。以爾某官王克基。性順而和。行廉而固。早繇勳戚之績。遂服軒墀之列。凡任於事。率能其稱。暨銓武材。益集官最。錄其勳。僉優以襲。宜升左閣之崇。更示橫班之寵。勉修而效。以對朕恩。

龍昌期等授試國子四門助教制

敕。益州進士龍昌期等。夫聖高節。顯儒行。使聞者知善。必期報。雖然有嚮道之心。國之良教也。以爾等學以爲己。名不求達。或治業有本。而盡經府之奧。或誨人甚廣。而爲州塾所稱。白首無遺。環堵自樂。尉使軺之去後。迹鄉舉以來。聞宜淳遠俗之風。僧繼上庠之籍。服余甄命。以克其終。

夏隨除觀察使制

敕。古之君天下者。以幅員之廣。慮耳目之所未究也。故分道遣使。舉吏之臧否。候民之病利而達於上。有唐虞察之選。蓋其任也。今職廢爲官。名品逾重。非簡時傑。實術勞。則固或命焉。以爾其官夏隨。器懷沈敏。行實端方。早圖世勳。階籍崇列。股肱開儲。擇相資儀。逮於纂承。亟用甄推。而能勳勩自謹。謙退不矜。精力一心。局事毋曠。掌武選則銓藻有敘。統邊戍則綏御得宜。開以親嫌。歸奉朝請。方試才而思用。爰先賞以勳功。俾正觀風之名。往莅作藩之寄。噫。銜寵則其悔必速。修政則厥庸乃豐。善宜教條。用服子訓。

李端愿除西上閣門使制

敕。典禁關之籍。辨延謁之儀。龍建使名。實甄材產。以爾其官李端愿。操尚冲約。業履清高。襲世資而勤守禮法。居戚范而行同寒素。勤辦乃事。孝聞於家。會以歲勞。宜有恩進。爰崇宮闈之秩。兼厚沁園之親。訓緝兵團。仍茲舊職。爾其以己能思效。以忠訓自修。則百辟四方。知朕不私於貴也。

吳有鄰除駕部員外郎制

敕。具官吳有鄰。國家推公以取羣吏。實實而張課法。惟後勳已效。則前過可忘。以爾早擢儒科。久參朝序。迄陪郎省。出領郡符。自抵憲條。得原慶典。降居筭樞之任。用推拔之思。省躬甚明。祇局無懈。念歲勞之克著。積賞格以當遷。進升司僕之曹。且示懲官之訓。體予甄錄。更務檢修。

王果除諸司使制

敕。具官王果。以經藝之長。升於仕版。以法令之允。實彼朝綏。方任幹明之才。式推奇正之學。遂移閭籍。更服禁聯。俾司邊壘之雄。善撫兵屯之肅。載藉勞績。優進寵階。宜欽增秩之恩。勉著安民之效。

江中立除祕書丞制

敕。具官江中立。國家用人之法。必稽吏考之善否。而升黜之。苟最有可稱。則賞亦宜信。以爾業文中第。衆勳莅官。婦參史觀之聯。遠賦縣同之政。屬周歲閏。當較治能。即遷本丞。實與通序。宜思恪謹。以副寵甄。

高繼隆除諸司使制

敕。具官高繼隆。早服禁聯。勳修吏最。薦委典戎之任。備觀經武之能。西垂制衡。鈴策爲重。宜正使名之授。往提師律之嚴。勉效爾爲。勿孤余獎。

穆思齊除大理寺丞制

敕。具官穆思齊。曉城旦之書。而升仕階。宰縣同之政。而集官最。薦章交上。參應恩格。廷尉之屬。丞選甚清。用瞻爾勞。其報余賞。

陳道古除大理寺丞制

敕。具官陳道古。早修門法。來服仕階。備丞率於鄉聯。幹財煩於京務。職勞甚著。課格當遷。理官司平。選屬爲謹。往虔恩賞。勳紹世風。

李迪曾祖在欽贈太師制

敕。王者躬郊廟之祀。答神靈之休。美莫敢專。以明尊上之義。孝而能獎。蓋達奉先之誠。因是廣恩。庶能知教。矧惟丞弼之舊。方均左右之勞。用舉徽章。責於曾世。具官李迪。曾祖贈太師在欽。冲懷弗說。潛德甚高。天爵之修。遂忘於君仕。家善之積。爰啓於孫謀。是生忠實之臣。處正鈞衡之位。雖辭台路。往殿國藩。宜乎渙號之文。特寵龍觀之澤。維師命秩。飾壤推榮。英魄想存。尙克敬荷。

韓魏公集卷之九

冊文

英宗皇帝尊號冊文

維治平四年歲次丁未正月一日庚戌攝太尉具官臣韓某與內外文武百僚諸軍將校蕃衛牧伯郡縣長吏藩夷酋長緇黃耆艾等再拜稽首上言臣等聞天道育萬物而不責其報然飛走之微必時而有薦者以知其本也君德被萬萬而不有其名然臣辟之衆必崇而有贊者以獻其誠也故報雖不責薦而知其本者天必享名雖不有贊而獻其誠者君不違是以上下之情通而古今不能以易也恭惟皇帝陛下自然之性得堯之仁不聞而式紹文之聖繼百行而無不備探六藝而無不達粵在京邸德充而晦令聞莫遏四海繫心譬夫大明將升光氣前發萬口瞻望不可稍域及乎膺受聖託纂隆皇緒信默二祀勳謹先法奉養長樂孝惟克諧內嚴宮闈而細大必修外正紀綱而煩簡皆舉悅威柄以歸己幹神化而獨運下暨鯨鯢悉安其生至於昆蟲莫不被澤其九族之睦也俾先乎知道其百揆之敘也本精乎任人若夫延見邇臣咨訪不倦有虞之好問也抑抑浮費用度日約大禹之克儉也緝熙光明而德行以顯周成之保邦也綜名實而賞罰必信漢宣之圖治也并會衆美嗣興太平故自舟車所通日月所照皆奉順聲教無敢弗虔固足以恢四聖之闕休極百王之盛節者矣適者隆禧吉士始見清廟祭而受福慶將逮下

之報上安可無述臣等所以合中外之志叩關屢瀆請上丕稱以形容於萬一而陛下特易之謙執道之契德貫二儀而不自滿功偕八世而無所於沖然弗居可詔不下自是與情慙慙更相資諄以謂聖之烈赫赫如此而不能發揚而增大之是不若飛走知本之著也今三朝之吉萬玉來會重譯有貢八音在廷臣等幸於此時冀畢前懇封奏五上莫匪傾竭陛下猶數諭數四不得已而愈之夫道濟羣生而不留所利體乾也躬享大命而若固有之膺歷也化成天下而輝光日新文也守在四夷而兵革不試武也日用而百姓不知聖也親蠶而萬國以獻孝也臣等不勝大願謹奉玉冊玉寶上尊號曰體乾膺歷文武聖孝皇帝伏惟陛下無前之蹟本忘其名徇衆之欲勉而是承斯亦履祖宗之舊而慰乎夷夏之情惟持其盈以守其成壽考萬年以享其榮臣等誠歡誠忭頓首頓首謹言

祭文

代開封知府諸廟謝雨文

維某年某月某朔某日具官某謹以清酌庶羞之奠致祭於某神粵自涼秋以來嘉澍未洽惟宸衷之在念顧稽事以爲虞式是靈祠奠茲神壤奉吉錫而致職冀聽直以垂休而神上符宵旰之懷下慰編齊之望會風期於少女驅靈族於大山曾未崇朝遽均和澤壤父輟耕而相賀祠官落服以言旋濟旱歲以作霖畢蘇民瘼兆豐年而爲瑞協勛聖猷爰被詔於發中俾涓辰而報祝用陳馨薦祗答蕃藎諒精意之攸歆固嘉應之斯在尚鑒

揚州祭聖母祠祈雨文

維慶歷六年歲次丙戌某月某朔某日具官某謹以清酌之奠昭告於聖母之靈某聞之於詩曰旱既太甚靡神不宗則知古人閔雨之際不愛性幣凡神能福於民而爲民之所奉者皆得索而祭焉今歲夏季以來境內不雨稽人狼顧以田爲憂長民者亦嘗設壇購龍款祠求神齋恪之誠不爲不至近方靈應有答而民望未厭是用陳茲薄薦乞靈於神神其體斯民所奉之心示神能福之之意廣敷陰施惠此一方使時澤沛然年穀大獲則民知神德不謂無靈尙鑒

諸廟祭文

維慶歷六年歲次丙戌某月某朔某日具官某謹以清酌庶羞之奠致祭於某神古有八蜡之祭以祀四方若其方年不順成則蜡祭不通豈特使民謹於用財抑亦明神不苟受其報也今歲境內大旱民心顛頗有望於神而禾田卒不救守臣不敢循爲蜡之義而廢神之祀是用舉舊典申薄薦神其歆此饌潔無使來歲復失民望而重爲愧尙鑒

北嶽祈雨文

維皇祐元年歲次己丑六月壬戌朔十四日乙亥具官某謹遣屯田員外郎通判軍州事游開以清酌之奠敢昭告於北嶽安天元聖帝惟神享有常秩視帝而祀故距河而北凡民有水旱疫癘之災則歸心於神謂神主於我必轉災而福之某幸爲州於廟祠之下每旦開口則思有以濟於民報於君以不媿於神

雖然不敢獨私一郡而邀神之福。竊惟國家視天下以河朔爲根本。去歲雨水爲大沴。民大半以饑死。天子宵旰憂食。哀而恤之。賴蠶事既登。麥秋有成。捐瘠之民。雖有生意。而涉夏不雨。旱氣日甚。民心嗷嗷。以穀爲虞。天子聞之。不得不重貽北顧之憂。某是敢以北民所歸之心。且道天子仁聖慈愛之德。弗私所治。而告虔於神。神其振激威靈。指呵雷電。濟乎嘉澤。潤我民時。使兩河開普洽西成之望。則神上以寬九重之焦勞。下以副萬民之歸嚮。輒綴廟食。與昊天齊其稱謂。宜哉尙鑒。

北嶽祈雨文

維皇祐二年歲次庚寅三月戊子朔五日壬辰具官某謹以清酌之奠敢昭告於北嶽安天元聖帝某聞天之爲道也惟民善惡而禍福之然推其仁於福則所任者多於禍則有所不忍焉神之爲靈也惟護其所以禍福而協天之仁者也比歲以來河朔之民罹大饑饉幸而全者無幾某爲治祠下行一某矣夙夜祗懼不敢慢其政以干神禍每春夏之交水旱萌沴稽人駭憂必請救於神而神應之夫豈守臣一冥禱而能感於神哉誠蚩蚩之民無大罪惡天與神哀其窮不忍終其禍而致然也今歲方春而霖陰用事霾風並昏陽氣迫而未宣雨意兆而復收農力於田惟歲是虞豈天與神仁於任福而不忍禍之之意邪神其驅叱魘妖奮示威德沛然施澤俾遂有年則民知仁休孰不思報尙鑒

北嶽祈雪文

維皇祐二年歲次庚寅十二月某朔某日具官某謹以清酌之奠敢昭告於北嶽安天元聖帝大河之北比歲不登神知之矣今又入冬以來雪不時降果數之然耶則否泰宜有以相返政之致耶則蚩蚩之民何罪此人之所以疑天與神不預人事者正謂是也惟神作鎮於北助天成化宜發天之德示神之明早霽時澤慰民望而銷沴以釋人之所疑誠大惠也不然北道之民全其生者無幾矣天晝夜而不息胡爲哉神之祀孰供乎尙鑒

北嶽謝雪文

維某年某月某朔某日具官某謹以清酌之奠致祭於北嶽安天元聖帝近以冬候將終時雪不降重困之民比屋愁歎守臣賑政之缺察民無罪輒遣屬吏走祠下合衆心之所憂上訴於神神憫然憐之翼日降雪閭閻之內無不充洽愁歎之民以桴以舞夫神之化冥冥然民固有疑之者及其應之昭也則靡然歸之無疑矣况猶影響之速乎宜其望而祀廟而食有國祚奉與天無窮謹擇良日具牲醴以修報惟神始憐之終成之尙鑒

北嶽謝雨文

維皇祐三年歲次辛卯三月某朔某日具官某謹以清酌之奠致祭於北嶽安天元聖帝某覽載籍見堯湯水旱之事而說者多歸之天數以爲崇禋之禮蓋有國家者徇民志而安下情其實不可求也乃有一守令自暴一御史決獄而能上動天意應時注雨則於二者之說不能無惑焉今則判然無惑矣某自承詔來定會河朔歲災比年雨不時降爲民之守察民之窮而無所訴也則必走倂屬乞靈於嶽祠之

下或三日至五日神應響答甘澤大洽故北道歉墮而定獨小康神既多矣今歲自正月至三月不雨民復嗷嗷顧望者無告獨神之有以訴也於是載加精禱幸紆民患既而雲容聚散連日晝陰至七日出電始發一雨告足則知至誠者必能感神而神必能爲民之福也又何惑焉謹擇日具牢酒以爲報惟神蔭佑終賜有年尙鑒

北嶽祈雪文

維某年某月某朔某日具官某謹以清酌之奠敢昭告於北嶽安天元聖帝某聞四方之民水旱豐稔皆繫守政之善否某常信是說至定而後知不獨繫於政乃有嶽鎮之神陰主一方能驅斥災沴而降民之福某非才守定行五歲矣政之不善宜有以動天變而及斯民何乃北道比歲大災而定獨小康得非守政雖不善而神能祐民而福之乎昭昭矣今歲農時大穰比戶嬉樂而時雪過期未有嘉應此守臣所以思政而自懼神所以愛民而施福之時也神其宜揚威靈振激和氣使盈尺之瑞早慰民望則民心歸嚮不在他祠尙鑒

北嶽謝雪文

維皇祐三年歲次辛卯十二月戊寅朔二十六日癸卯具官某謹以清酌之奠致祭於北嶽安天元聖帝近以時雪稍愆未充歲望谷政之失惟民是虞亟禱於神尙期鑒祐果蒙靈答若響應聲雖農畝尙冀霑濡而民心大已開釋謹遣大理寺丞簽書節度判官廳公事夏倚躬致非薄以修報禮惟神念此一方素垂隆護更施惠澤以永神休尙鑒

北嶽祈雨雪文

維某年某月某朔某日具官某謹以清酌之奠敢昭告於北嶽安天元聖帝近以入冬以來時雪未洽桑遺橡閣乞靈於神亦既踰旬尙稽報祐豈守臣愛民之心未至而事神之意弗虔乎夙夜究思罔克自處今請通判軍州事關某躬致前懇於祠下惟神察誠之懇慰民之望早垂嘉應以兆豐年尙鑒

太原諸廟祈雨文

維皇祐五年歲次癸巳閏七月戊辰朔某日具官某謹遣某官以清酌之奠致祭於某神某聞天道之主於仁不則人何以保其生神之道亦主於仁不則人何以通其誠嗚呼天與神之道皆主於仁矣何一方霜旱之後既俾其田大茂垂及有年而反枯槁之登蟄之使民終日哀祈嗚呼一施其仁寂然莫應邪某治并始數月雖然爲政一日不合於民宜爲天氣之病顧民是何罪哉是用齋戒省咎將民意以有告於神惟神助天化育功在祀典哀民之誠迫切如是而驅風雲雷然下雨澤滂沱氣銷冰融則千里之內神一施其仁而瘁死之苗起爲豐穎香嗟之聲轉爲歡謠民歸神之心如何哉尙鑒

諸廟謝雨文

維皇祐五年歲次癸巳某月某朔某日具官某謹以清酌之奠致祭於某神近以秋稼甫成早蝗萌孽吏民駭議惟神是歸守臣齋誠祈禱祠下朝莫未縮霽謝已洽靈應之速實猶影響合境之內鼓舞歡

呼。知神之仁。益用欽。謹擇良日。具饗薦以修報禮。惟神其祐茲土。功德至大。亦既拯民之將殞。則當俾歲之大獲。守臣何答。惟是忠信。尚鑒。

蒙山祈雪文

維皇祐五年歲次癸巳十二月丙申朔二十一日丙辰。具官某。謹以清酌庶羞之奠。敢昭告於蒙山之神。某聞前代良守長。以其部早暵之爲沴也。必求境內有開之神所祈禱之。而與神約。過期不雨。則舉祠燔之。雨則葺之。某謂不然。今環晉之境。數千里之廣。歲將窮而未雪。守臣同民之憂。徧禱羣祠。逾月弗應。聞蒙山晉望也。古有祠。俯瞰盤淵。自唐以來。崇奉祈報。民實蒙福。今墮圯垂盡。而故址踳然。夫祠雖不存。山川之神。豈嘗亡邪。謹遣某官即壇祠。具香酒以告。夫將已意以達於神。神祠之壞而必完之。皆守臣之職也。答之與否。不敢慢神而廢職。然神能奮起潛德。亟需惠澤。以警一方久不信之民。則宜遠邇歸嚮。易忘爲神之感。與山巍然。不然而。且懼祠雖完而復廢也。神聽之乎。尚鑒。

諸廟祈雨文

維皇祐六年歲次甲午正月丙寅朔二十七日壬辰。具官某。謹遣某官以清酌庶羞之奠。有禱於某神。去歲歷秋冬。連今雨雪不時降。細民駭嗟。以田爲憂者。實半天下。天子惕然引咎。齋戒祈禱。無所不至。而卒未大應。今復時疫暴作。民中其疾者。十有八九。雖星分所次。流災有常。而天子慈仁愛民。夙夜焦勞。守土之臣。皆奉命修職。不敢有苛刻之政。上病天氣。天忍極肆其酷。冥然而不顧哉。天道高遠。區區草芥之誠。固不足以達。賴吾境有遠德之神。開發天意。轉禍貽福。滋甘澤以沃枯槁。鼓和氣而驅滯妖。使農及耕。民安里閭。上紓天子旰食之慮。下俾守土之臣。省過勤政。自新不息。則天施未暢。繫神而啓迪之。宜民不怨。天而信於神。神之功茂矣。尚鑒。

祭龍圖尹公師魯文

維慶歷七年某月某朔某日。具官某。謹以清酌庶羞之奠。致祭於故龍圖舍人尹君師魯之靈。嗚呼師魯。惟公之生。天與英奇。如鑑之明。無隱不覩。如材之美。無用不宜。仁義之勇。過於虎熊。疑味之決。審乎著龜。首倡古文。三代是追。學者翁從。聖道乃夷。名重天下。無人不知。知之深者。非余而誰。伊昔夏人。擾於西垂。余忝兵任。君贊同之。周旋塞上。余往君隨。晝夜盡。忍睡忍飢。星霜矢石。勞苦艱難。凡四五年。心體形氣。退而視君。志不少衰。上嘉君勤。進督沮師。懷敏之後。破壤瘡痍。君能盡力。補綴持持。曰兵曰民。以治以綏。如得父母。衆心熙熙。保邊務實。恥於妄爲。不令小人。乃啓禍基。易慶晉淵。奔命何疲。輸忠抗論。伺者乘危。君前在涇。屬防秋時。以公麻紵。貸其偏裨。俾宿負。免干典章。月取其俸。送官勿虧。且責效命。投死無疑。職此抵罪。宜斥流離。衆謂之冤。君曰如始。自隨徙均。帝方念茲。奈何窮山。感疾無醫。君決不起。指鄆而馳。范公大賢。來託孤道。謂無但化。言色怡怡。忽整衣冠。置離莊莊。憑几而逝。衆皆歎悲。范公之善。其說如斯。嗚呼哀哉。彼蒼冥冥。莫可究推。賢者胡意動輒屯奇。不肯胡佑。坐來福禍。以道而屯。死爲人思。以幸而福。生爲人嘆。在君所得。何必期頤。嗚呼哀哉。余之與君。義雖朋執。情則損益。非不執紼。莫不捧卮。使我大恨。

痛切肝脾。徒瀝薄祭。一寫哀辭。琴不鼓矣。嗚呼子期。尚鑒。

祭文正范公文

維某年某月某朔某日。具官某。謹以清酌庶羞之奠。致祭於資政范公之靈。嗚呼哀哉。上天生公。固爲吾宋。以堯舜佐吾君。今既忘身而忠國。以成康期吾俗。今又竭忠而仁衆。升贊樞宰。孰云不用。殿撫藩服。孰云不重。何太平之策。噤而不得施。今委經綸於一夢。此一人所履。而天下之所深痛。豈止乎平生之交。得計晉而長。嗚呼哀哉。僕始立朝。接公尙疏。道同氣合。千里相符。忝帥於西。乃與公俱。協力舉力。齊翦兇渠。義切王室。情均友于。雖千難而萬險。仗忠信而如無。僕之望公。公矚僕驚。十報未逮。敢擬齊驅。人胡不辨。遂連公呼。自顧無有。愧常汗珠。繫公是託。終履夷途。叛光來附。一節同趨。與公并命。參翊萬樞。凡有大事。爲國遠圖。爭而後已。歎言如初。指之爲黨。果如是乎。道卒與於時。良謂公迂而僕愚。相繼補外。請毀崎嶇。感公之知。謂死不渝。嗚呼哀哉。定之去青。不遐驛置。自公之東。信問時至。愛顧益深。交朋莫二。蠅頭細書。以時爲寄。珠貝余幅。氣嚴法備。自云矍鑠。以將厚意。謂公康寧。日保純粹。忽以疾聞。求醫往視。惘然遣使。候公鑒察。會公得穎。肩輿赴治。尙煩公答。親筆數字。意公少痊。竊以爲慰。方具香藥。詣公所。憩得元規報。云公永逝。讀之駭然。手足俱廢。氣填滿膈。食不知味。惟公事君之大端。固始終而一致。有生即有死。今雖聖智其安避。所惜者國家特賢而後。又天胡不仁而不慈。嗚呼哀哉。公之所存。履歷蹈高。高文奇謀。大忠偉節。充塞宇宙。照耀日月。前不愧於古人。後可師於來哲。固有良史直書。海內公說。互億萬載。不可磨滅。此爲天而爲壽。信誦者之能別。豈於一奠之間。可盡公之德烈。惟是冥然而思。默然而悲。此生未殞。曾無已時。公乎。公乎。知乎。知乎。

祭僕射王公伯庸文

維嘉祐元年歲次丙申九月己巳朔某日。具官某。謹以清酌庶羞之奠。致祭於故僕射王公之靈。嗚呼僕與公交。世執爲匹。在天聖中。考士之實。上初臨軒。親按程律。公當其選。天下第一。僕叨次公。若甲乙之爲合之易。公純我質。愛則昆弟。同則膠漆。從官西東。雖遠猶密。及佐大計。局相并鄰。議必聯席。食常對茵。出入省戶。輝光招紳。公踐掖垣。文追古醇。夫何郤材。復序後陳。更直書命。參明帝緒。公入禁林。朝稱得人。僕草公制。榮無與倫。夏人擾邊。沮我威武。僕承人乏。奮命西禦。久之未效。命公來撫。公之所臨。如旱而雨。緊公之略。遂振王怒。僕時師秦。公爾燕語。獨有二天。公惠之著。鼎事之寧。僕忝樞輔。公爲大農。屈事泉布。進居公前。愧日無措。僕斥於外。公方處中。排擯羣議。陰存大功。僕走二塞。身當磨衡。一紀之間。莫觀晉容。天與其幸。還趨九重。付以舊物。本兵之崇。公獨宰政。望尊德隆。而不大拜。反及愚庸。僕實無堪。懼顛厥位。圖請大寧。賴公以濟。其道之同。言無少異。自髮相親。在古無二。公歷二府。積憂成瘁。始疾之徵。在告而治。日須公出。以本醇粹。如何決旬。遽然永逝。嗚呼。人生有是不意。嗚呼哀哉。公之德業。海內胥傳。清芬雅範。則流爲世法。忠謀大節。則詳於史編。浩乎若江漢之紀地。燦然如日月之麗天。此特敝生平之好。故舉其槩而不宣。惟將哀誠。一奠几筵。公同知我。終身憤然。尚鑒。

祭正獻杜公文

維嘉祐二年歲次丁酉二月丁未朔某日具官某謹以清酌庶羞之奠致祭於司徒侍中杜公之靈嗚呼自公勇退於今十年天下日思公至賢故每聞公之病也衆猶已之病今聞公之亡也則相與駭而歎曰元老之喪天下將安所法焉況辱公之知世無比族雖願公以賸公而莫得今其哀深痛切非文字之可傳然而因寫誠爲可無說含悲失次舉公大節在祥符初文則公傑擢取甲科美譽四徵自時爲吏天性精勤驅煩判滯明敏無倫不施鞭撻吏畏如神凡守郡邑政皆仁仁中司執憲紀律審紳曰雍曰并乃國方面命公鎮臨天子安燕上曰公勞來尹繼句殺下而清樞廷是議公既大任爲國圖事力進忠良正人斂征時光之叛與狄連衡公謀廟堂二重疑兵僥倖路塞斜封不行有職顧然坐觀太平諷邪猖獗卒壞於成作相百日彼徒益驕習公於克公道愈明公則告老上允其誠旋營厥居處於宋京噫公之貴不與衆類不買田宅不蓄聲妓蔬食菜羹粗袍布被奉已惟約周人則義人難其常公行獨易至清之名今昔無二噫公之退與衆復異基博不親林泉不嗜枕藉百家沈酣六藝詩筆日新放懷怡志書法日工或草或隸優游自娛以卒吾歲嗚呼哀哉公官一品位誠不卑公壽八十年非不著在公享之良厚何人心之甚悲蓋以公還事而來精明不疑憂國之慮過於有政稱善之勤同乎已爲向使朝廷重惜公去復公丞疑以十餘歲之康寧翼億萬世之丕基則治胡爲而不庸公胡爲而不辜嗚呼哀哉公之修長今不繫公而繫時徒使後人俯公一厄公乎公乎已而已而尙憂

祭狄相文

維嘉祐二年歲次丁酉四月丙午朔十六日辛酉具官某謹以清酌庶羞之奠致祭於故相狄公之靈惟靈忠孝沈厚出於天資威名方略登於塞外入登樞府蓋旌勳勞出殿輔藩聊遂優息何五福所鍾而不與其壽一人所悼者未盡其才某向處邊陲公實神佐自開傾輿日極哀懷茲承已擇良辰權厝淨宇敢憑薄酌少致哀誠魂兮有知諒垂歆歆尙鑒

祭登閣先生文

維嘉祐三年歲次戊戌十月戊戌朔十日丁未具官某謹以清酌庶羞之奠致祭於登閣先生黃君之靈先生以學自富以道自貴身居草萊名滿天下公卿大夫知先生之賢薦先生之晚老得一命遽然而亡嗚呼豈天之於人既使其學與道之不窮也則其身也固不可得其不窮邪不然何屯梗沮屈之如是乎某忝大任竊重祿不能極力推挽使先生之學之道少伸於時而身爲不窮反吝嗟疑天不自引咎誠罪人也今先生之子能奉遺書謹遺法介然以不墮先業爲意謹與南歸得舟東下因致薄酌一道哀愧之誠先生宜來故是精潔尙鑒

祭范寬之刑部文

維嘉祐七年歲次壬寅五月丁未朔十五日辛酉具官某謹遣某人以清酌庶羞之奠致祭於范郎刑部之靈君之於余兄之子婿而余姪女不幸早世親知之深義無少替垂三十年意愛交至吾提國憲尙傾

全吳察廉之失屢經救書復久去官攻者終經降漕得守遂觀濠魚中外交章辨君非辜率復甚邇君胡遽殂嗚呼哀哉君始得疾殆於桑月度不能起尙記疏拙諸兄援毫寓書以訣惟草二名親筆余別余一閱之夙夜悲咽其間一事余竊爲疑云分毫恩未嘗及之余之知君惟道是期所謂恩者有公有私私則結好死焉移公政市羅非余之爲嗚呼哀哉君之平生志氣豪邁臨終之言何近狹隘得非有激其意安在俾余恤孤余安敢忘千里致哀惟恐薄酌英特之魂宜乎不昧尙鑒

祭文潞公太夫人文

維嘉祐八年歲次癸卯二月某朔某日具官某謹遣門人陳諤以清酌庶羞之奠致祭於魯國太夫人之靈惟靈早孀君子克謹婦道閨內之訓莫匪忠孝有子逢辰相吾大君廣公盛德世無與倫勤哉奉親繄我賢相晨夕甘旨得謂榮養享封大國輪復魚軒康寧壽考五福之全相君承顏以懼以喜請治於洛歸來鄉里慰我高堂鼓鐘笙簧大期之及怡然而亡珣於相君義則兄弟何以致哀是惟薄祭尙鑒

祭崔良弼殿丞文

維治平元年歲次甲辰九月癸亥朔二日甲子具官某謹以清酌庶羞之奠致祭於殿丞崔君十哥之靈惟君之稟天與和粹大韶之發聰者忘味大圭之全璧爾君瑞君父正臣始終道義君兄節士瑣特其志君之漸靡固無不備惟文之高乃不中第惟才之敏見於爲吏其勢奔騰譬若良驥千里之遙旦暮可至奈何半塗遽爾顛隕惟余之望君則其弟余契之篤實均同氣君如京師必館而憩然相接惟恐分袂今夏之首君來審官待次得告再歸闕田初聞小疾勿藥當痊遂不裁問日期旋旋使忽至止君兄惠履具述君病且憂繼綿余驚呼驚呼俾隨詣前醫馳未達計來何遽嗚呼哀哉君之德美穆於衆傳復被餘慶宜煥而延何未強仕修茲澄然命也執訴嗚呼哀哉君之亡傷摧二年又感君感心如灼然徒憑薄酌致此拳拳哀誠千百未能一宜君其知乎歆余意焉尙鑒

祭資政吳長文文

維熙寧元年歲次戊申十月庚子朔某日具位某謹遣人以清酌庶羞之奠致祭於資政吳公侍郎之靈惟公之生得道之粹惟公之出爲世之瑞粲在妙齡已彰奇器六經深醇諸子同異下逮百家史氏所志經公一覽則能誦記學優而仕進道益勤途膺詔舉大名是振仁廟知公擢公諫臣聲激忠義漸摩聖神致我后德大猷日新領漕東南使煩以試屬部一清何止經計更殿鉅藩所至稱治風績萬然實冠循吏西掖代官北門典制雖令文章一時溫麗翼冀京邑則於四方帝曰時尹惟公是當大家兼并過於寇攘公暴其罪投之遠荒奸盜四走壞其囊囊高視前輩爲宋趙張上曰公賢贊我幾命協心憂國大本以定俄執親喪毀幾滅性茹蔬泣血卒羸而病服除還位亟參大政真儒秉鈞內外交慶任直爲輔忘身匪艱辨白若道呵排大奸蓋貫白日名高太山退處於外孤風孰攀公往治青余趨雍部迴屏惠音道其雅素且曰吾疾庸醫所誤今雖調適未甚如故余病亦久勉而作書馳走一介候公起居同得公答慰我勤渠親翰桑榆筆精有餘余喜料公其珍必除命世之佐百靈所扶嗚呼哀哉書來未旬余徒鄉郡復促召

車。因令人親道聞公計。心慮摧震。天乎人乎。有歎矣。善人云亡。乃邦之憂。公如可。余雖當。獨難百其。夫亦何者。嗚呼哀哉。歷代已往。如公幾人。萬世在後。公名永存。孰敢執天。此安足論。惟是餘慶。宜昌子孫。何以致。阿。公一。公來。散。公靈。嗚呼哀哉。尚饗。

祭安退先生劉君文

維熙寧元年歲次戊申八月朔某日。具官某。謹以清酌庶羞之奠。致祭於故安退先生劉君之靈。嗚呼。先生剛介之性。天下能合者有幾。淵源之學。古人不到者甚多。憤然不少屈於世。今遂樂窮處。惟酬杯而放歌。晚而絕。棄世。事。欲融怡於太和。澹然如此。而天猶不祐。今亦奔隨於逝波。余方罷西師。還故鄣。惜號塗而亟過。瞻先生之墳。土未乾。今不能一奠於山阿。徒遣使指陳薄薦。以將其意也。嗚呼。先生其知余之悲乎。奈何奈何。尚饗。

祭崔公顯比部文

維熙寧四年歲次辛亥某月某日。具官某。謹以清酌庶羞之奠。致祭於故崔君比部九哥之靈。余初及冠。作塔君門。君時妙年。德性已尊。不事雕琢。歸乎質樸。博覽經史。富於藝文。恥在蔭籍。思同後輩。射策不偶。遂遭世紛。西竺大法。南京祕源。湧建莊老。虛無之言。沈酣貫穿。洞其本根。顧視軒冕。淡如浮雲。勉而爲吏。非志所存。羈以底族。仁風是教。閒常謂我。情均弟昆。酒會歡。時。奏。放。奔。時。擢。道。興。開。雙。破。昏。益。我。多。矣。如。舊。附。余。視。君。爲。期。諸。古。人。如。何。奄。忽。遽。摧。大。屯。善。良。至。此。天。也。事。論。泣。馳。使。指。奠。酌。一。樽。君。乎。來。歎。惟。靈。者。魂。尚。饗。

祭致政學士趙君子淵文

維熙寧四年歲次辛亥八月癸丑朔某日。具官某。謹遣三班奉職隨行指使張世昌。以清酌庶羞之奠。致祭於故致政學士趙君子淵之靈。嗚呼。僕與君交。心照莫二。論契之深。同門之增。在明道初。禁林並試。聯陟道山。日親高誼。直則同舍。分則同氣。譬若驥驥。方駕平地。欲聘千里。自當齊至。如何遲速。半途而異。君知命者。未始較計。嗟君之才。高不天施。歷歷府府。所在循吏。晚求西臺。亟謝君事。惟洛之都有完者。第方期優游。遂我高志。不虞安休。乃失頤衡。使人遠來。論我疾勢。駭而馳醫。往道勤意。醫幾及門。而君已逝。嗚呼。哀哉。年踰七十。壽足爲貴。諸子官達。寶昌而熾。進揚令名。退絕纖累。君之始終。可謂無愧。而余悲者。義切親懿。聲顏永絕。輪墨徒秘。不親執奠。不躬致臨。風長號。涕泗交。嗟。惟。一。介。具。此。薄。祭。冥。冥。有。知。爲。我。來。歎。尚。饗。

祭少師歐陽公永叔文

維熙寧五年歲次壬子某月某日。具官某。謹遣三班奉職隨行李珪。以清酌庶羞之奠。致祭於少師永叔之靈。惟公之生。粹稟元精。偶聖而出。逢辰以亨。歷事三朝。翼登太平。大名既遂。大功既成。年未及老。深衷滿盈。連章待謝。頌第來事。神當昇以福祿。天宜錫之壽齡。胡不懸遺。遽爾摧傾。此冥理莫得致詰。而天下爲之失聲。嗚呼哀哉。公之文章。獨步當世。子長退之。偉瞻閭肆。曠無擬倫。逮公始繼。自唐之衰。文弱無氣。

降及五代。愈極頹敝。惟公振之。坐還醇粹。復古之功。在時莫二。公雖云亡。其傳益貴。譬如天衡。森布列緯。海內瞻仰。日高而熾。公之諫諍。務傾大忠。在歷歷初。職司帝聽。頗有必犯。闕無不縫。正路斯開。奸萌輒攻。氣勁忘行。行孤少同。於穆仁廟。誠推至公。執好執惡。是焉則從。善得盡納。治隨以降。人畏清議。知時不容。各顧名節。恬乎處躬。二十年間。由公變風。公之功業。其大可記。屢殿藩垣。所至懷惠。嘗尹京邑。沛有餘地。早踐西掖。晚當內制。凡厥代言。典謨之盛。凡厥出令。風雷其勢。三代炳焉。公辭無愧。極輟飲爲。台衡弼武。撫御四夷。兵戈不試。整齊百度。官師咸治。服勞一心。定策二帝。中外以安。神人胥慰。不校謗言。懇求去位。公之進退。遠邁前賢。合既不苟。高惟戒類。身雖公輔。志則林泉。七十致政。乃先五年。上惜其去。公所益堅。卒遂其請。始終克全。嗚呼哀哉。余早接公。道同氣類。出處雖殊。趨向何異。暨悉案司。日親高誼。可否明白。襟懷坦易。事貴窮理。言無飾僞。或不知公。因羅誦忌。青蠅好點。白璧奚累。嗚呼哀哉。自公還事。心慕神馳。徒憑翰墨。莫堪委儀。公嘗顧我。惠以新詩。雖亟酬答。奈苦衰疲。欲復爲問。動已踰時。忽承計書。且駭且悲。哀誠執訴。肝膽糜。公之逝矣。世鮮余知。不如從公。焉用生爲。遐修薄薦。冀公一卮。魂今有靈。其來監茲。尚饗。

韓魏公集卷之十

家傳

公諱琦。字稚圭。安陽人。韓氏之先。出自晉卿獻子之後。以國爲氏。子孫散居諸郡。在昌黎者最爲著姓。公即昌黎之裔也。其後徙居於深州之博野。遠祖肅。爲沂州司戶參軍。生沛。爲登州錄事參軍。沛生全。隱居於博野。全生三子。曰又賓。曰文操。曰存。又賓生定辭。昌辭。文操生隱辭。隱辭生正辭。又賓仕唐僖宗。爲成德軍節度判官。檢校太子左庶子。兼御史中丞。以唐光啓二年終鎮府立義坊之私第。以龍紀元年葬博野縣藍吾鄉之北平原。子昌辭。爲鼓城縣令。以天復二年三月終於真定。以天復三年七月葬藍吾。以晉天福二年附夫人張氏。改葬趙州贊皇縣之北馬村。是爲高祖昌辭生一子。諱璆。終廣晉府永濟縣令。余贈太師開府儀同三司齊國公夫人史氏。追封齊國太夫人。始葬相州安陽縣之豐安村。則公曾祖也。璆生公之皇祖諱構。仕本朝爲太子中允。知康州。終於治所。余贈開府儀同三司魏國公夫人李氏。深入。公之女。晉相樞之猶子。追封魏國太夫人。皇考諱國華。諱議大夫知泉州。召還道病。卒於建陽縣。國史有傳。歷五年葬安陽縣新安村。尹洙師魯誌於墓。丞相富弼爲神道碑。所載事業甚詳。夫人羅氏。諱議大夫延吉之女。鄭王紹威之孫。追封魏國太夫人。所生母胡氏。蜀士人覺之女。追封魏國太夫人。公以大中祥符元年戊申歲七月二日辰時。生於泉州。公自幼而孤。鞠於諸兄。既長。能自立。有大志氣。端重莊。

言不好繕弄性純一無邪曲學問過人天聖五年仁宗初臨軒試進士公以二十歲名在第二時唱名第一甲方終太史奏日下五色雲見左右從官皆賀於殿上先是赴省進士元絳有叔同待試於都下因疾委頓久而復蘇具言其中當至一官府殿閣甚嚴密中有一堂簡云侍中堂俯視堂中則列人之姓名曰趙普曰丁謂曰馮拯曰韓琦字皆黃金外以青紗覆之此事甚播於當時然公猶未第但閉門爲學未嘗妄與人交人亦莫知公爲誰何及省闕出始見公姓名衆人驚相謂曰非元氏所夢者乎公既亞膺首知者與之歎後卒踐此位乃推考本朝以來爲真侍中者至公始四人而已授將作監丞通判瀋州侍奉國之官雖年秦國亡哀毀過禮服除明道元年冬遷太子中允又改太常丞直集賢院二年六月監左藏庫時高科已入文館者指日可至貴顯公監隨物務衆以爲非宜公處之自若不以爲卑凡職事亦未嘗苟且禁中須索金帛皆內臣直批聖旨下庫無印記可以考驗公奏曰天祚中嘗專置傳宣合同一司關防甚嚴官物非待合同憑由不可給後相習爲弊廢而不行願復如舊制以杜姦僞詔從之舊有監押內臣一員天下綱運至必俟監押始得受納內臣者往往數日不至實皆暴露腐爛遠方衙校苦於稽罰公乃奏罷去內臣災傷州郡所輸之物帛不如度者例猶追削公請蠲之景祐元年九月徙開封府推官賜五品服陳圖等七縣月遣人一詣禁地巡捉飛放民頗爲擾公奏曰陛下敗游之事廢之久已久而芟穢之地共之斯衆豈容姦吏未革侵牟願申嚴禁止之三司循例下府配買馬食草六百萬公奏諸縣蓋有災傷者豈可樂令認數爲奏得蠲減九縣二百餘萬凡刑名輕重不當疑慮未明者皆辨析條奏府事雖日紛冗省覽亦不減繁無巨細必詰正而後已時文讀得公書者郡吏必喜相謂曰過韓家關矣二年十二月遷度支判官授太常博士文武官在京下至服闋月俸給見錢六分在外遺棄至者止得四分公謂均服除朝見豈當有內外之別請爲一等至今以爲法三年秋以族貧求外補得知舒州將行除右司諫供職詔公與丁度齊偃高若訥同詳定阮逸胡瑗鄧保信等所造鍾律公論曰樂音之起生於人心是以喜怒哀樂之情感於物則應發而應之非器之然也故孔子曰樂云樂云鐘鼓云乎哉者其旨斯在孟子之對齊宣王亦有今樂猶古樂之說言能與百姓同樂則古今一也唐太宗聽祖孝孫新樂乃謂禮樂之作蓋聖人緣物設教治之隆替亦不由此魏元成對以樂在人和不由音調此皆聖賢述樂之大方也臣竊考前志秦驗今古二家之說差舛未安蓋聖賢之圖方分保信之用長委質之典據皆所無聞伏自葛祖造邦二宗接統編禮具舉熙事咸備通用王朴之樂悉無更易以至黎庶久安兵革銷戢天下無事垂八十載爲樂之用非不和也頃因燕肅獻規妄加磨鍊適會李照赴闕謂非克諧陛下發天縱之能日於之聽精加練駁許之改作逮於成功卽薦郊廟輒逸變繼至盛言照樂穿鑿再令造律則又因循未合保信續上新法亦乃長庚乖古竊以祖宗舊樂遠用斯久屬者徇一士之偏議變數朝之定律則金增秩優賞其勞曾未周若又將易制臣切計之不若窮作樂之源爲致治之本使政令平簡民物熙洽海內聲靈鼓腹以歌太平斯乃上世之樂可得以器象求乎既達其源又當究今日所急以佑隆業國家方夏一朝廷晏清西北二陸久弛邊備寇敵之性豈能常保弱則卑順強則驕逆渝盟背約何代

而無必思密備不虞未可全推大信此陛下之與左右弼臣皆所慮宜先及之緩茲求樂之誠移訪安邊之議急其所急在理爲長臣欲乞詔下攸司盡記二家律法及所造管尺鐘磬權量存而未行再命天下有精曉音律者俾之詳正然後施用候一二年間詎無至者則將王朴逸駿保信三法別詔稽古近臣取其中多合典志者以備雅奏固未晚今之定奪權且停罷詔從之明年上將行南郊之禮公又奏曰臣先會將歷代典志文字及用漢鍾分寸較量得王朴舊樂於太祖廟令中和觀以司天監景表尺減定與漢唐尺度差近胡瑗阮逸鄧保信并李照等鍾律俱不合古途具開奏再奉聖旨令將漢鍾分寸及景表尺別造律管參校臣與丁度等各陳述不曉音律乞再訪知樂者俾合詳定後蒙罷罷其時臣曾將景祐廣樂記看詳備見實紀李照不依古法出意制造律度之事今來南郊在近陛下躬行大禮不可以李照所造違古之樂上薦天地宗廟臣竊聞和峴減定王朴舊樂鐘磬等見今並存欲乞下太常寺將來郊禮復用舊樂所貴國容成備神聰惟和詔下兩制詳定皆以謂當如公請遂聲詔將來南郊且用和峴舊樂時災異數見朝廷但齋醮禳謝公既上疏極論爲無益繼又聞大慶殿建設道場及分道中使詣名山福地祈禱公奏前代祈禱之法必微樂減膳修德理刑下詔求言側身避殿始可轉禍爲福願法而行之或宮中有宴飲之事亦望稍加節減不獨仰奉天戒實可上安聖躬且大慶殿者國之路寢朝之法宮陛下非行大禮被法服未嘗臨御臣下非大慶會則不能一至於庭堂僧道凡庸之人繼日參月喧雜於上非所謂正法度而尊威神也昔唐高宗立皇太子將會命婦於宣政殿博士袁利諫曰前殿正殿非命婦宴會之地望請命婦會於別殿自可備極恩私帝納之即令移於麟德殿臣亦望今後凡有道場設醮之類並於別所安置上嘉納之內侍省都知以下非時違轉公奏曰近睦親宅告成自提舉臣僚而下有詔增秩用勸勞者入內侍省副都知張永和實總其事故有違領園練之命逮夫同列旋以推恩當時公言其謂非當蓋以其一官之效而衆人蒙賞故也或以爲省局之內官次相妨因而敕遣未甚爲害臣是以不敢違有論列今聞前省都知以降又復優加使額臣竊觀衆論益以懷疑誠以沮勸之方爵賞爲大若匪閱其官簿曷以年勞則必顯著功績特中寵拜或不由是皆涉無名故書曰官不及私昵惟其能爵問及惡德惟其賢昔衛人賞于奚以邑辭請繁纓以朝而許之孔子聞之曰惜也不如多與之邑惟名與器不可假人自古慎賞如此願亟行追縱以勸天下時中外臣僚多干求內降撓政公奏曰祖宗以來躬決萬務凡於賞罰任使必與兩地大臣於外朝公議或有內中批旨皆是出於宸衷只自莊獻明肅太后垂簾之日遂有奔競之弊貨賂公行假託皇親因緣女謁或於內中下表或只口爲奏求是致僥倖日滋賞罰倒置法律不能懲有罪爵祿無以勸立功唐之斜封今之內降盡壞綱紀爲害至深陛下聖德日新惟此久敝未除願降詔諭戒飭及出干請者姓名付有司治之又聞文臣中近有進狀乞充三司副使及武臣內亦甚有進狀乞加通都或橫行使額之人緣此任使並是國家要近之職必須稽合公議選於聖衷固非臣僚自可陳乞此後輒上章安求選任者乞重置於法上皆降詔禁止仍令御史臺糾劾之民聞復作銷金服極其盛至於臣僚戚里之家服之以入宮掖了無避懼公請以先朝舊制禁絕之雖貴近之

家。犯者無令入內。付外勘勅。朝廷乃下詔申諭。未幾開封府有犯鎗金者。以刑名未明。申請審刑院議正。徒三年。公曰。大中祥符八年。赦犯鎗金者。斬。今偶有敗獲。正宜行法以警衆。豈可憐愍定刑。壞先朝之法。啓省僧之漸。請復用祥符舊敕。詔御史臺刑部與審刑院大理寺詳定。以聞。公以災變屢發。主於執政者。非才。余言於上。未見納。公又奏曰。豈陛下擇輔弼。未得其人邪。若杜衍。范仲淹。孔道輔。宋祁。皆假。衆以爲忠正之臣。可備進擢。不然。嘗所用者王曾。呂夷簡。蔡齊。宋綬。亦人所屬望。何不圖任也。章已十上不報。公乃拜疏曰。臣伏聞有虞至聰也。成湯至明也。其命相則猶咨於岳。選於衆。不敢以獨覽自決於上。必僉而舉之。始正其位。故得百工信其治。而不仁者遠於朝。未有衆以爲非才。上獨爲可任。付以大柄。信其操執。而望萬化可成。而衆功盡美者也。臣職在諫諍。志無回隱。自去秋迄今。衆上封奏。指言陛下差謬之任。未得其人。蓋以宰臣王隨。登庸以來。衆望不協。差除任性。偏操偏信。廟堂之上。不開長才遠略。仰益盛化。徒有延納僧道。信奉巫覡之辭。貽誚中外。而自宿疾之作。幾涉周星。安臥私家。備禮求退。方天地有大災變。陛下責躬訪道之際。不思抗章引避。而不朝君父。扶疾於中書視事。引權親舊。怡然自居。暨物議沸騰。則謂其拜禮。勉強入見。面求假告。都無省愧之心。固寵慢上。寡識不恭之咎。自古無有。今聞所患有加。不能復詣中書養疾。陛下優遇之禮。既已備矣。彼人貪祿竊位之計。亦已窮矣。其次則陳堯佐。男述古。監左藏庫。官不成資。未經三司保奏。而引界滿酬獎之條。擢任三門白波發運使。況程琳任三司使。日會定奪。監左藏庫。吳守則。雖界滿出剝。而帳歷憑由。不能依限結絕。尙猶不應酬獎條敕。保明之官。已重責其罪。以此較之。則述古之授。是爲欺罔聖明。參知政事韓億。初乞男綜爲羣牧判官。以降成命。卻令男綜不以責敘。回讓兄綱。將朝廷要職。從便退換。如己家之物。紊亂綱紀。舉朝非笑。此二事陛下若於而小之。因循不問。彼則曰。我營私若是。而不上之責矣。言事者疏我之罪。而不上之聽矣。則必愈任威福。公然爲不善。更無畏忌矣。又石中立。本以藝文進。居近侍。兼領常局事。尙不能少有建明。但滑稽談笑之譽。爲人所稱。處於翰墨之司。固當其職。若參決大政。則誠非所長。伏況仍歲以來。災異間作。衆星流隕。屢次不順。河東地震。壓覆至多。雖歷代所書。證告之事。未有如斯之大也。而又冬無積雪。春首虛度。寒燠之序。未甚均協。考天戒之自。則發理之任。正當其責。而在上獨使陛下引咎數詔。詢求謫言。繼日臨朝。孜孜政道。在外則降敕天下。偏責剝舉牧長之吏。各修其職。於政府之臣。則以爲過不在己。泰然自處。於臺變履高之右。臣僚欲廣陛下之德。乞煩前詔於天下。而能立其限。則皆抑而不從。蓋臣事專而君道窮之明應也。陛下用輔臣如此。不惟使四方觀望。浸成弛慢之風。必恐外寇聞之。亦有輕視中國之意。如望天責可消。而福應自來。則又不可得也。陛下儻以爲退免大臣。其事至重。非下臣所宜輕議。孰若以祖宗八十年太平之業。坐付庸臣。恐其墮壞乎。今下至閭里之人。猶能揚言而非之。投書而誣之。又況陛下置臣於言責之地。可知而不言哉。臣是以不避斧鑕。屢有論奏。以愚具瞻之望。於己非私也。於柄臣非有嫌隙也。所切者以陛下有堯舜之資。而爲在位壅蔽。一思開發容明。以濟亨運。非他意也。然慮陛下以臣過有訾訐。疑在離間。是故久而不行。伏望出臣此疏。明示中書。委御史臺於朝堂集百官會議。其是非。如以爲臣

言不謬。則乞陛下公而行之。若以爲輔弼等前件行事。於朝政無損。國體無害。只是臣發於狂妄。則誅戮貶竄之罪。臣無所逃。矧遇陛下勤政答天。中明賞罰之秋。特望判其邪正。以塞羣議。幸甚幸甚。上乃能幸臣王隨判河陽。陳堯佐判鄆州。參知政事韓億。本官歸班。石中立爲資政殿學士。成州防禦使楊景宗。莊惠皇后之弟。入臨皇儀殿。而被酒喧嘩。公劾奏曰。景宗起於寒賸。本無勳績。特緣戚里。遂冒貴階。肆情犯法。所在奏論。於貨實多。豪暴無改。今於宮掖之間。猶無畏忌。使之郡州之內。孰敢侵陵。請下有司。明按其罪。上以太后故。不欲重貶。出爲兗州兵馬總管。都官員外郎魏莊。自陝西備市糴糧草。還既得對。乃面求爲省府官。公言莊人品猥下。因王隨援引。得知赤縣。而三司希旨。舉薦俾往陝西。辭之日。已賜三品服。今敢復有干瀆。請劾正厥罪。乃降莊通判揚州。公以自變茶法以來。歲登京師銀絹。配撥江北居民。而內盧府庫。外困商旅。請選官參定酌中之法。乃命公與御史中丞張觀。侍御程戡。同三司使。別議其法。四年秋。發解開封府舉人。時惟禮部貢院置封彌牒錄二司。開封國子監考試。止有封彌官。公請並設牒錄司。以示至公。從之。寶元元年八月。假太常少卿昭文館直學士。充北朝正旦國信使。以知環州高繼嵩副之。公言繼嵩知環州。因軍人得遺箭。繫以匿名文字。言繼嵩將叛。繼嵩心不自安。遂乞還朝。乃差充國信副使。臣察其事之僞者有二。辨其惑者有一。繼嵩久在西邊。頗以勇敢聞。或爲西賊所惡。設反間而去之。不然。則取下嚴而爲成卒巧計以中之。此其僞可察二也。且繼嵩背義投誠。元吳忠於朝廷。則當密奏其事。何必以遺箭達其叛狀乎。此又其惑可辨一也。臣愚以謂宜急遣繼嵩還邊。其元告匿名文字。亦請論罪。如律外以杜黠賊行間之謀。內以破虜兵詭計之計。次堅繼嵩用命之心。使邊郡聞之。孰不畏朝廷之明。而厲忠義之懷乎。遂詔繼嵩復還環州。以閩門通事舍人王從益代之。公以京城內通衢數日。盜賊公行。釐竄之下。古有禁暴之法。請南郊前一月。降敕開封府約束強盜。及持杖竊盜罪至徒并折傷人。以上如犯在赦後。無得以赦原其竊盜賊重者。亦奏聽裁。從之。三年五月。侍御史王素言。乞依置昌朝所奏。取景德至景祐年。凡百用度。雖有鉅細。較計所入所出之數。省罷不急。詔公與張若谷。任中師。同三司詳定。公謂景德以來。歲月已深。文案必不備具。若俟齊集而議。徒成淹久。但考見今日實爲浮費。自可裁度。上聞。如故將相戚里及權近之家。多占六軍等耗縣官衣糧。爲私家僕隸。在京不啻數千人。若此類何必待景祐文書較計邪。詔從之。又言自古興儉以勸天下。必以身先之。今欲減省浮費。莫如自宮掖始。請令三司取入內侍省并御藥院內東門司。先朝及今來賜予支費之目。比附酌中。皆從減省。無名者一切罷之。詔禁中支費。只令入內侍省御藥院內東門司同相度減省報詳定所。其臣僚支賜。即許會問入內侍省等施行。公言解鹽禁權地分凡二十一處。而利害不同。請命近臣以新舊二法。取其利最長者。議爲經久之制。詔翰林學士宋庠。知制誥王堯臣。同三司講議。七月。授起居舍人知諫院王沂公。仲望重當時。慎許可。公爲司諫時。沂公尙未能相。見公論事。謂曰。每見章疏甚好。只宜如此。向來高若訥輩。惟擇利苟安。至如希文。亦多名於國事。何益。公以是益知自信。公以所存諫藁。欲敘而焚之。以效古人慎密之義。然恐無以見人主從諫之美。乃集七十餘章爲三卷。曰諫垣存藁。自序於首。大略曰。諫主於理勝。而以

至誠將之在職越三載凡明得失正綱紀辨忠良舉權倖時人所不敢言者必昧死論列上覽而可其奏者十八九八月以本官知制誥知審刑院賜三品服先是盜殺同黨既已就捕例不抵死公曰此但并有其貨或欲滅其口非有自新改過之心無足矜者請更議其法乃詔盜殺其徒而不首者無得原是月以盜利路大饑爲糧量安撫使公至則蠲減稅賦募人入粟招募壯者等第刺以爲廂禁兵一人充軍數口之家得以全活撤劍門關民流移而欲東者勿禁簡州糧食爲甚明道中以災傷當勸誘納粟後雖饑十六餘萬歸於常平公曰是錢乃賑濟之餘非官緡也發庫盡以給四等以下戶時皇子初降天下進金帛爲慶列郡聞風修貢甚急公言勞擾疲民詔悉免之益州歲織錦綺五十餘萬蜀州皆染紅紫數萬緡所費甚厚而皆出於民公請權以半爲緡諸州設市買院收市上供物多不以直公請停止之遂食殘不職吏罷充役七百六十人爲緡粥活饑人一百九十餘萬蜀人曰使者之來更生我也康定元年春西邊方用兵上念禁兵久戍因請遣使安撫陝西遂命公爲陝西安撫使東門關上門一節使符惟忠副之上謂公曰異類猖獗官兵久不習戰而數出無功今因小警將以開後福也公勇於自效七日受命十二日上道既至則列郡城池皆頽廢無守禦器乃期以月日責之修繕又以河北樓櫓爲法烽燧素不設但走人以候敵公悉度遠近以置之方兵與害於財用公謂陝西產鐵甚廣請鑄錢兼用爲便延安賊雖引去尙留兵圍塞門安遠寨將吏畏避莫敢出援知延州振武軍節度使范雍已有責命除象州防禦使環慶路總管趙振爲代人情憂駭環訴於公願無替雍公奏曰雍二府舊臣實盡瘁邊事而郡人德之願留以安衆心振勇使備總管可矣若以雍節制無狀勢當必易則願起趙州范仲淹委之方陛下焦勞之際豈敢避形迹不肖若涉朋比誤國家事當族初總管劉平來援延州遇賊賊內臣黃德和率衆先遁兵陷平被執德和乃誣平降賊朝廷遂錮守妻子遣御史文彥博具獄於河中府乃命公案實仍報彥博公曰平以疲兵數千敵賊十餘萬衆晝夜力戰爲德和所累既就擒猶習賊不已忠勇無愧於古人今以誣言所惑憤忠恤孤之典未下邊臣豈不解體乎由是始得推恩又條死事之臣皆被贈贈慶州駐泊神衛軍隨平戰沒者幾十之二本軍都指揮使與衆皆通歸分屯邪事係近上禁軍不能力戰以至陷覆主將若朝廷一切不問則無以勵衆請能歸令樞密院處分從之詔京畿東西兩路陝西諸路市戰馬公以陝西科擾頻仍民已不勝困苦請緩一路以安衆心從之先是詔陝西點募壯壯令公撫諭仍促本路如詔言者又以增數爲請公奏曰轉運司及郡縣尚未點集必謹重此事慮有驚擾蓋民情謂既爲強壯且憂劇以充軍本路近嘗添差弓手耳目皆已習熟必無疑懼請除商號二州外各於逐縣見管鄉村三丁以下主戶內選差一名充弓手更不差強壯使減稅免役立階級分教習著爲條約甚備詔悉如所請令既行人心帖然得數幾一十萬人邊聲甚壯將佐儲怯者悉使罷去停諸州上供不急之物數十萬時慶人陳淑度等陳邊防策既而補官東南公奏曰士忠義憤激爲國獻計雖稍收用乃置於僻左實屬廢之何得自效非所以開示誠意來人才也詔皆從邊任公偏歷邊塞見利害甚詳乃上疏曰臣素昧兵機不經邊任昨以冠犯延慶陝右驚駭陛下不以臣非才俾用安集臣受命引道徑趨西陲盡則奔走長途夜則

評遺局事凡至邊郡率須宴餼故經度廉采不能纖悉究知然前語以謂口說不如親逢耳聞不如目見今既周旋歷邸管穴所得盡有一二思欲親觀之日而陳旌展之前又慮後於事機先合數奏臣竊以吳賊包藏逆志積有歲年朝廷待之不疑養成兇惡今甲馬雄盛金帛富饒誘納亡命之徒助成狡計與賊通跳梁之日事勢其實百倍故敢驅脅醜類直捷延安破寨逼城號三十萬且朝廷命劉平統兵三路蓋極一時之選石元孫委任次焉已并爲之擒矣偏裨之勇驚者如郭遵萬俟卨孟方張異者又爲之俘馘矣潘羅熟戶李士彬采一本知順李思忠之族亦爲之降且擒矣成卒陷殺者蓋不啻萬人諸路聞風惕然喪氣彼賊氣焰從而可知范雍緣此降移已有趙振爲代今延州之民兵雖益而未補於舊若范雍之策慮彈壓劉平之謀勇有望裨將郭遵輩之驍悍敢戰後來者未聞過之所存熟戶既難以自保不無去就之意而又鄜州去延安止二小程其城周圍止二十四里跨二土山在其中正當狗道嶺馬來路川原坦闊昨來張守誨應卒繕營甚未固備制度低小木植細弱其垂鐘板盡以人戶獨扇門爲之至今無材料修換王德基於到任後再行計度人工材木萬數甚多轉運司又無可應副近知張元交替便有物力營營亦須冬末了畢況在城所屯兵馬不滿三千之數萬一賊計不測直攻鄜州但恐即日備禦未能固守鄜州既不能守則延州城寨非朝廷之有也況鄜州一帶係吳賊納款之時出入路道山川險易盡會涉歷而復咫尺事夏便於巢穴臣竊慮出其不意再來奔突故禦捍之備宜以鄜州爲先鄜州若有重兵必無深入之犯其次則環州最逼賊境新周劉興知州慶州久關都署高繼隆張崇俊雖有心力不經行陣未可全然倚任駐泊都監之內亦無得力之人夏棟節制涇原等路復用葛懷敏副之若取其謀智則懷敏非夏棟之比若藉其勇戰則懷敏平生未識偏伍亦與一書生無異鄜州延州原本設經略使二員分謀諸將自范雍得罪之後更不選人經略一司已明無用是徒使夏棟權而求免豈能成功惟秦鳳一路去賊甚遠比之別路未足多虞同州河中府與鄜州延州不遠宿兵策應魏昭嗣王克基未嘗出離京關使使領衆禦戎昨來暫至延州皆已破膽加以諸路城寨軍屯勢分大抵一州之兵半守諸寨邊臣因循重改不遽以變謀及廢置率皆異同殊不知承平之時邊臣無事就務增置寨柵以邀賞恩止爲熟戶防家於國家實有何益至今孤因軍旅當聚資糧犬羊衆來舉以還寇所在將帥例復失和妒能害功動致矛盾東兵驕而好走內臣戰則失利此方今之大弊也臣深爲朝廷憂之兼逐處主兵臣僚多爲不益得兵馬無不恐怯朝廷又舉青年之數止絕陳乞臣竊料劇賊果復傾竭端落併侵一路彼衆我寡戰必敗亡所至嬰城避其鋒銳因而長驅關輔人戶驚逃大邑富居任其屠掠都益之下豈不動搖陛下宜訪帷幄之嘉謀審攻守之良算早圖平殄以安生靈蓋非臣淺慮所及也臣今爲陛下計者莫若差銳兵三千或於同州河中府等處分減進屯鄜州選才望大臣一員復本路經略之任兼知鄜州處置邊事令張元就充本路鈐轄於鄜州駐泊用朱觀知環州就差葛懷敏知環慶都署如朝廷必以經略一司更不合置即乞專於鄜州益兵使葛懷敏知鄜州充替夏棟自然事體均一不撓邊臣之心早賜選差才勇帥臣充環慶都署令秦州曹瑋兼管涇原路兵馬公事準備分擊秦鳳開兵互相策應其沿邊堡寨除自來係大

秦廣屯兵馬之處外其餘孤小寨斷自朝廷專委經略部署司須得移那兵馬分食舊積糧草無使餘漢然後併兵入城只留人員兵士三十人以為斥候並事更差弓箭手防護所是沿邊路分都監都巡檢等關額即於諸班新換右職臣僚內選差催發其河中府同州郡署鈐轄別差稍知邊事臣僚充替魏昭嗣王克基所有沿邊州軍招置蕃落保捷等指揮多是本土勇悍之人只為拘定等杖失人甚多亦乞速降指揮催促招收但以人材壯勇堪任披帶者充今後更不拘等杖愚短所見願並財擇之上皆施行之

韓魏公集卷之十一

家傳

五月以忠武軍節度使夏竦為陝西馬步軍都總管經略安撫使開府於永興軍命公為樞密直學士范仲淹龍圖閣直學士並陝西經略安撫副使同管幹都總管司公事公陳用兵練卒之策曰沿邊總管鈐轄下指揮使臣甚衆每御敵皆臨時分領兵馬而不經訓練服習將未知士之勇怯士未服將之威惠以是數致敗衄昨諸班中選武藝優者為寨主監押然拘於一城未能各適其用欲下陝西都總管司擇所試中人鄭延路十五員環慶涇原秦鳳路各十員為逐路教練軍隊分逐州禁軍各令主之以士卒所習精熟與敵勝負重行賞罰如此則兵之勇懦者得以悉誦又有賞罰驅之必各思奮身復免主將爭占精兵專為己衛也自古臨敵取勝必有奇兵若併力出攻則所向皆潰今兵卒非無驍果膽力出於饋餉緣分在逐指揮每指揮不過三二十人與中常之兵混而為一彼敵之際勢分力寡多為儲卒所累雖欲挺身奮擊其可得乎欲乞委臣與范仲淹龍圖閣直學士等分路於屯駐指揮併本十兩禁軍內選馬上使劍刀鎗槊鐵鞭鐵棍棍棒勇力過人者為平光指揮以五百為額其衣糧如龍衛而立驍捷之上鄭延路環慶涇原秦鳳四路各置兩指揮本路士兵一指揮屯駐泊兵士一指揮鄭延路屯延州鄭州環慶路屯環州慶州涇原路屯涇州鎮戎軍秦鳳路並屯秦州若已請龍衛已上請受者即以爲節級若後來關人即選試殿

前馬步軍司龍衛以下諸指揮武藝有勇力者補填之本路士兵止選於就糧指揮其選中屯駐泊兵士聽三年一代仍令諸州軍揭榜以募投平羌者送經略司揀試給禁軍例物外別給錢十千絹十匹無馬者并馬給之詔從之八月上遣翰林學士晁宗慤入內都知王守忠齎手詔督出兵攻賊合府議奏曰今將與兵尚未習練願謹邊防期以歲月平之使既還九月十四日賊寇鎮戎軍本路都監劉繼宗等戰敗於三川寨官軍陷沒者五千餘人公奏曰時涇州駐泊都監王珪屯瓦亭寨率援兵至師子堡賊圍之數重珪諭軍中曰此死地也不可用命乃揮鐵鞭進關賊衆披靡珪中三矢而還番賊圍軍大掠三日知涇州鈐轄郭志高率大兵趨三川賊乃退三班借職郭倫固守定州堡得不陷劉瑤堡本軍指揮使散直王遇弓箭手都虞候劉用以事急出降遂并陷乾溝乾河趙福三堡然繼宗來權本軍方一日而李緯等未曾經歷行陣倉卒出戰而士卒畏怯遂至退衄使點寇寇行殺掠而歸其劉繼宗李緯王秉望特免推鞠不以敗兵馬多少計罪但量其情之輕重等第削官或更移降差遣以資後效王珪以孤軍千餘當鋒血戰所殺賊兵不少既被重創次日向求益兵出戰人皆服其勇節雖所亡數多蓋衆寡不敵欲望貸其敗軍之罪必能感勵奮身盡死為報從之王珪仍賜黃金名馬上聞繼宗之敗又降手詔曰晁宗慤等回省所奏選差使臣教閱諸軍武藝召募士兵候稍成次第審度山川伺察虛實計討賊境庶無慮發及專務持重保邊待其作過即免便出奇痛行掩殺并欲直取和市等場務事今來朝廷相度若只務守禦則不惟虛延歲月兼又耗費供億至如近日賊軍深入延州保安軍界圍脅金明寨并燒蕩熟戶族帳輸折兵馬陷殺使臣殺寇一作安然往來略無畏懼即又未見持重保邊待其作過免使出奇痛行掩殺之效若言緩有二州人戶不多徒有城壘卻欲先取和市後橋等場務錢帛則去年曾打後橋亦無所得如此則守禦未驗攻討未期終用何術息此勞弊卿等既膺重任休戚所同當須體認朝廷宿兵日久防慮非一速盡經畫早謀平定仍具進兵時月密切奏聞府中復議曰將在軍雖得以自便然攻守大計當稟算於朝廷乃畫攻守二策公與經略判官尹洙馳至關下奏之惟上所擇上乃聽用攻策十二月遷禮部郎中入謝曰臣以邊防大議不俟召而至關乃僥倖進秩何以逃清議力辭不拜詔鄭延路涇原兩路取正月上旬同進兵入討既而范仲淹乞存鄭延一路招納未行討伐而又沮議者不一事遂未決公奏曰余准詔問促令進兵及令分析向去有何方略授與諸路即委不誤事遂與夏竦參定攻守二策臣探知冬月吳賊未能舉動之際兼程赴關求對進乞賜戒擇尋下兩地大臣商議只取攻策施行臣屢付而奏茲事體大繫於安危若陛下決知可行兩地大臣主義不變或能集事今臣方歸本司而橫議日勝朝聽已惑攻討之說比比割下且朝廷舉大事主大謀自當堅如金石無有回易時降詔旨激勵將士沮軍事者約古行法今乃深憂重慮必謂無成況鄭延路范仲淹意在招納更不出兵雖具奏聞乞依元策假若朝廷強之使進終是本非己謀將佐聞之必無銳志今已二月將半漸有暑氣必難進兵臣此來奉行成算非是年壯氣銳慮不及遠幸而求勝以誤國家誠以吳賊據數州之地精兵不出四五萬餘皆老弱婦女舉族而行陝西四路之兵雖不為少即緣屯列城寨勢分力弱故賊始犯延安生擒二將掠掠無數者

查劉平、石元孫、聚一路之兵拒之。繼及九千而已。去歲秋末。復有鎮戎之敗。劉繼宗等分兵禦捍。不滿萬人。比援兵之至。則賊已捷歸。是則彼勢常專。我力常散。今中外不究此失。遂乃待賊太過。屯二十萬重兵。只守界壕。不敢與敵。中夏之弱。自古未有。又未聞臣倣堅執守議。以爲必勝之術者。臣恐春失數寨。秋陷數堡。邊障日虛。士氣日喪。賊志乘此。則有吞陝右之心。加以與師以來。科歛萬計。民已大困。配率不止。去年秋。尙窘急如此。忽有水旱。其何以堪。臣近過鄜州。所至人戶。經臣有狀稱爲不任科率。乞行減放。內潘原縣郭下。絲綢行人十餘家。每家配借錢七十貫文。哀訴求免。國用削弱。以至於此。緣轉運司計無所出。臣是以不敢邀愛民之譽。直行放免。恐相矛盾。上煩朝廷。臣恐一二年間。經費益罄。人情大騷。師老思歸。及期無代。每慮至此。臣難盡言。望陛下省華言之難。爲大事之當慎。知其異議。已沮師期。且令諸路置辦軍須。訓練兵馬。俟及初秋。若范仲淹招懷未見其效。則別命近臣以觀賊隙。如必須討擊。即乞斷在不疑。剋日降旨。則庶事已辦。便可進兵。朝廷終難之。初攻討之議未決。朝命未下。因命環慶總管任福至涇原。經制邊事。賊復遣人叩延州請和。公曰。是知我欲大舉而爲款兵之計耳。不然。懈我邊防。又將謀入寇。乃戒諸路益嚴備。不可弛。公乃行邊。過涇原。諜者報元昊閱兵。公度賊必寇山外。即徑趨鎮戎軍。召諸將會議。坐間。報賊入界。公乃盡出其兵。又募敢勇凡萬八千人。使福擊賊。以涇原路兵馬都監內殿崇班閻門祇候桑維翰爲先鋒。涇原路兵馬鈐轄崇儀使忠州刺史朱觀繼之。涇原路都監禮賓副使武英又次之。涇州都監禮賓副使王珪。參軍事將作監丞耿傳。皆從。公面授福等方略。仍指圖示之。令并兵合勢。自懷遠城趨得勝寨。至羊牧隆城。出賊之後。諸寨相距僅四十里。道近且易。糧草足供。如未可與戰。則據險設伏。待其歸然後邀擊之。福等就道。公亦至城外重戒之。既行。又自爲散隊。福等當持重。勿貪利。爲賊誘也。福自新境外引經騎數千。趨懷遠城。捧龍川。過鎮戎軍。西路都巡檢常鼎。司巡檢內侍劉肅。與賊兵一瀾戰於張家堡南。斬首數百。賊衆棄馬羊橐駝伴北。桑維翰引騎趨之。福亦踵其後。薄寨福樞合軍屯好水川。朱觀武英爲一軍。屯龍落川。隔山相距五里。約明日會兵川口。不使賊得逸去。諜者傳賊兵少。故福等輕之。路既益遠。糧糧不繼。人馬已乏食三日。福等不知賊之誘也。悉力奔逐。至龍竿城北。遇賊大軍。循川行。出六盤山下。距羊牧隆城五里。陣以抗官軍。諸將乃知墮賊計。勢不可圖。因前接戰。桑樞犯其鋒。福陣未成列。賊縱鐵騎衝突。自辰至午。陣動。兵馬上山。欲據勝地。而伏兵自山背合擊而下。士卒墮崖墮壑相壓者衆。桑樞劉肅皆戰死。賊分兵數千。斷官兵之後。福失盡鐵簡。挺身決鬪。槍中喉而絕。既而賊并兵攻朱觀武英。戰既合。王珪自羊牧隆城引兵四千五百。陣於觀軍之西。而渭州駐泊都監趙律。將瓦亭騎兵二千三百繼至。珪屢出略陣。陣堅不可破。英重傷不能視軍。賊兵益至。步軍從東先潰。衆遂大奔。武英趙律王珪耿傳等皆戰沒。軍士死者六千餘人。唯朱觀以兵千餘保民垣。四響縱射。會暮。賊引去。與福賊相距五里。然福敗死不相聞也。方元昊傾國入寇。分兵爲四流。會於好水川。其一流乃福所遇也。賊不意逢鎮戎之軍。欲奔所聚之地。福亦不知賊兵數流。素有期會之所。故乘急迫逐陷賊之大陣。當是時。賊兵雖勝。殺傷亦相當。故即時拔寨出境外。居民保聚得以安全者。亦諸將死戰之力也。公乃上章

待罪曰。臣嘗所領將士以禦賊。獨居孤壘之中。日俟勝捷。而福等不依臣指縱。邀其歸路。以致敗亡。上挫國威。願正顯戮。御前以劄子付公曰。卿訓勵邊師。皆合事機。但諸將偶失持重。輕敵寡謀。然其盡節死戰。足謂忠勇。亦卿獎勵所至。勉更悉心極慮。以圖來效。倚任之切。望深不忘。諫官孫河輩乞置公大罪。後夏策得公所爲。徹於福衣帶間。上之會朝廷遣翰林學士王堯臣陝西安撫。時范公以擅答元昊書。亦降知耀州。堯臣言。此兩人天下之選也。其忠義智勇。名動邊疆。一不臣不宜以小故置之。且任福由遠節度。以致敗。不可深責主帥。朝廷知罪在裨將。猶以言者止降一官。二年四月。遂授右司諫。以職知秦州。九月。復舊官起居舍人。公上疏曰。臣三數年來。將命奔走。未嘗寧居。自赴陝西。縱橫年歲。兩遭窮蹙。皆會賊至。既不能親冒矢石。應機制變。而但激勵將卒。申明賞罰。以盡繼夜。實忘寢食。所期立分寸之效。以報陛下委用之意。不幸天未助順。諸將自用。而有山外之敗。卒被明譴。志不克遂。然尙有計畫。豈敢以釋去重責。儉安循默。猶冀陛下亦不以臣一失驅策。棄而不用。竊以西賊叛命以來。言邊事者蓋以萬計。皆人持所見。獻忠於上。而朝廷廣務聽納。纖悉必行。其開大抵欲保疆守境。愛民省用者多矣。所謂保疆守境者。則曰賊衆我寡。不可較力。但來則收民閉壁。示以持重。郊野之外。不暇救也。殊不知承平以來。沿邊與次邊之民。日以繁盛。所居必近田畝。有蓄積。積至歲之便。樂土重遷。自去年九月。賊犯鎮戎軍之後。經略司專差龍竿城監押馬爲美。勸誘山外之民入居城寨。而說路爲美終不移徙。臣博詢其故。則曰。今細民一家。大率數口。耕種之時。老幼皆須在野。至於伐薪汲水。悉便其用。既令入保城寨。不惟無所居止。兼薪水以來。亦須市買。以此甘在田野。賊來方始逃避。或則全家被擄。又自環慶抵於涇原。沿邊熟戶。數踰十萬。自來以官軍勢弱。不能保全。皆有去就之意。竊謂若以見屯之兵爲保境之計。則歲歲月之閒。邊民苦其掠奪。盡徙內地。諸族熟戶。皆與賊合。沿邊城寨數百里外。田野一空。惟存孤壘。則歲計糧草。何從而出。以分散之卒。禦專一之兵。未知何時可息。茲西賊既知無後患。則乘勝深入。關輔根本。能不搖乎。所謂愛民省用者。則曰民爲邦本。不可重困。沿邊戍卒。漸可裁減。若但守禦。不必兵多。則可以省科歛之煩。轉餉之苦矣。殊不知賊勢未弭。邊害滋大。日腹月削。所傷益多。斯皆利於近而局於遠。顧其小而遺其大。若爲國家長久之策。則不然。夫以祖宗之德業。陛下之仁聖。天下之事力。而使小羌常途併兵之一策。不敢與較。但謂彼衆我寡。而爲墮境棄民之計。豈不惜哉。臣所以盡忠憂國。豈忍隱而不言。今鄜延涇原環慶三路。除駐劄防守兵馬之外。可以各那一萬人聚於鄜慶渭三州。臣今爲陛下計者。莫若於鄜慶渭三州。各更益兵三萬人。拔用有勇略將帥三員。統領訓練。豫先分定部曲。遠設斥候。於春秋西賊舉動之時。先據要害。賊來則會駐劄之兵。觀利擊之。又於西賊未是點集之際。出三州已整之兵。淺入大掠。或破其和市。或招其樁落。或更築壘拓地。廣招強人。別立經制。以助正軍。熟戶有助賊者。即會兵密行破蕩。諸族見此。事勢自然無去就之意。漸可驅使。既不敢爲亂。則可以嚴責鹽粟帛之禁。勿使與賊交通。朝廷節儉省費。傾內帑三分之一。分助邊用。以金帛賜逐路帥臣。使行開說。賊則動靜先知。遇盛暑那兵次邊。就食糧草。如此則三二年間。賊力漸削。平定有期。賊勢永逸之長算也。或曰。益兵數多。豈可驟然招置。臣謂據

刺士兵自有祖宗舊法。在行與不行耳。果行之。又何難哉。且士兵既壯。則沿邊拱禦聖武神騎及神衛龍騎等軍。應係關東兵。漸可代還。以實京師。為強幹弱枝之固。則內外安矣。公又以本路兵備素少。請益軍馬。朝廷以諸處未可抽那。難於應副。詔公詳度。以點到弓手。選其少壯。刺手背充軍。或為保毅弓箭手。或別立名額。迷其利害。以聞。公奏曰。有唐以前。兵出於民。而國不費財。戰得其用者。蓋軍令必行。而尺籍有敘也。五代多故。法制不立。乃募募面以名正軍。年紀浸久。耳目習熟。百姓更不知前代籍民為兵。但為刺面給糧。則甘死戰鬪。聖朝因舊重改。廣置禁卒。以安天下。以服四裔。亦隨時觀世。不易之良制也。自逆吳寇擾西鄙。乃於陝西點民為弓手。以助防守。有警則起。無事則歸。農武藝廢而不修。禁約輕而易犯。至有父子兄弟。疏屬外親。或則雇人應名。更相為代。而官中了不可別。每遇上州防北。多是結衆逃避。以此州郡徒有人數。若倚以戰賊。適足敗事。臣是以桑陳揀刺士兵。自有祖宗舊法。今或只刺手背。及充保毅弓箭手名目。終是與民不殊。請以秦隴州鳳翔府弓手。點以為禁軍。人給刺面錢二千。無用例物。詔陝西弓手揀充保捷指揮。仍給招軍例物。命既下。朝廷復檢會公前奏。令如公請。例物不給。公曰。揀刺士兵。人皆知為當今之利。無敢為朝廷發明者。應生事已有責備。臣不避數十萬戶之怨。捐軀建言。幸已衆情帖然。今數十萬人所得之物。又以臣一言。豈不取怨益深。欲使總此新兵。禦寇立事。豈不難哉。願給例物如前。詔從之。後轉運司言。刺保捷軍。凡一百八十五指揮。前此朝旨。募人為強壯。公恐民情驚擾。請止以招弓手為名。人心遂安。得數甚廣。雖為一時之便。然弓手終非正兵之比。難資征戰。及刺為軍。所利至大。公以秦州東西草市。居民軍營。僅萬餘家。皆附城而居。無所捍蔽。絕塞之地。豈不防慮。因請築外城。凡十一里。計工三百萬。自十月起役。而至正月。城成。賜總役官吏金帛有差。劉漢乞於古渭州起立文法。修營城池。收買質帳。若成此事。則洮河一帶蕃部。可以照管。朝廷下此議於公。公奏曰。秦之寧遠寨。西至古渭州八十餘里。其間皆熟戶住坐。今於百里之外。建一孤堡。未見其利。洮河一帶生戶。從來部族星散。各立頭項。依附險要。不相服從。不能為邊鄙之患。今招撫近邊蕃部。費用已廣。其遠地生羌。悠久所費。豈易支哉。詔於永寧寨。以官舍五十間。給曉曉羅。收貯財物。公曰。使外人居邊城。非使未敢奉詔。詔曰。曉氏已有謝表。不可失信。致於生事。雖不與屋宇。亦不絕秦州往來。可於閑慢處修葺常關。防恐察之。公曰。秦州居常蓋暫往來。今既許置舍貯財。必常圍人主守。豈能旦夕防禦。使朝廷舉動皆知。況契丹元昊。亦未嘗沿邊給屋。昨楊勣等至龜茲一行。皆鎮之於館。我使至。曉氏在驛。亦禁出入。遠蕃於中國。尚備慮如此。防微杜漸。不可忽也。官舍勿給。為便從之。公言今之試武藝。弓弩惟務斗力多。而不求所射疏密。其左右所驛。腰躬腦躬。一綽管子。放數箭之類。乃是軍中之戲。又馬槍止試左右盤弄。而不較所刺中否。皆非實藝。而使臣軍員緣此例得拔用。故諸軍亦循守常法。而無所更。以此臨陣對寇。罕能取勝。臣嘗熟思之。縱得武士。挽三石力弓。踏五石力弩。不能射中。則與空手無異。嘗閱武部式。見唐取人皆較實藝。今定凡步射弓弩。於四十步內。各射箭十弓。一石五斗以上。七中為第一。一石二斗以上。五中為第二。九斗以上。三中為第三。弩三石五斗以上。八中為第一。三石以上。七中為第二。兩石五斗以上。五中為第三。凡馬

射鹿子。或符符各箭十弓。一石以上。八中為第一。九斗以上。七中為第二。八斗以上。五中為第三。凡馬上使槍左右十刺。得五中。木人為及等。馬上鐵鞭簡棍子。雙劍大斧連枷之類。並是一法。每兩條共重十斤。為及等。但取左右實打有力者。為中。馬槍鐵簡俱及等。為第二。步刺槍步斬劍。即勝者。為第三。馬上盤鎗刀木槊。五十斤以上。勇力過人者。為第一。以上若一件入第一。請優與遷擢。入第二。恩澤次之。入第三。量材錄用。如二件以上。入第一。三件以上。入第二。四件以上。入第三。並槍簡及等。與不次獎敘。詔送樞密院行之。慶歷元年十月。朝廷於四路置帥。王沿。涇原路。范仲淹。環慶路。龐籍。鄜延路。進公禮部郎中。仍舊職。知秦州。兼秦隴州。鳳翔府。附成州。路駐泊馬步軍都督。經略安撫。沿邊招討等使。管幹本路糧草。兼本路營田使。又以殿前都虞候。廣德軍節度觀察。副使。李昭亮。為秦鳳路馬步軍副都總管。公言。昭亮本貴家子。生平未識行陣。今備邊方急。豈宜居是任。詔徙昭亮。永興軍總管。公以前日山外之戰。諸將多亡歿。其所從之兵。衆不可一。稟問罪。今不立法制。他日各務生全。豈復以主將存亡為意。若人數不多。則軍法可以必行。請諸路總管。許置親兵。百五十人。鈐轄百人。招討都監等七十人。月加給錢二百。其出師臨敵。主帥陷沒者。並斬從之。吐蕃族帳。四路惟秦號最盛。雖藉以為離障。然久授姑息。無畏服心。沿邊熟戶。多為吳賊脅從。公既加恩撫。有違叛者。必舉兵討除之。隨波等族。嘗鈔邊。已出師焚蕩。未入漢謝罪。又遣使詰問。皆納子為質。而公以恩威既行。乃遣通判尹洙詣諸族。召酋首戒諭曰。爾族可出人馬若干。我閱視而籍之。緩急禦賊。當發符召。爾等宜駐營於野。以聽命。一人不至。納羊為罰。羊不至。是慢令也。率師誅翦之。獲賊首者。進官增俸為賞。得蕃兵一萬三百餘人。環慶路總管司奏。得勝後陣亡軍員與退敗沒陣者。恩澤一揆。以此未便。乞將得勝陣亡軍員子孫。一依賞格。酬獎。其退敗陣亡者。止推恩子孫一人。詔令逐路總管。司依所奏。公奏曰。將卒臨陣。皆圖勝捷。力有不敵。戰敗而死。人命至重。為國喪身。臣子之忠。無大於此。既已歿於王事。豈以勝負為言。國家惟追崇虛名。存錄孤子。所以誘勸來者。使之效命。今邊臣讀此條。往往傷歎。以謂一死報國。更分勝負。恐非朝廷激勵將士之術。兼前記所載。亦無此例。若果果分勝負。則傷中并孝贈。亦合作兩等支賜。理實未便。乞並如舊制施行。從之。范仲淹奏。朝那之西。秦亭之東。有永洛城。亦為之阻。合策應軍馬。由隴州。二十里。始到。如能進兵。修永洛城。斷西賊入秦之路。其利甚大。詔公同諸路經略。司詳度以聞。公奏曰。永洛城。通秦渭道路。穿蕃生戶。幾二百里。計其土功。亦數百萬。止可通二州援兵。亦不能斷西賊入秦之路。近築秦州。關城方畢。功尚有衝要城寨。當修補者甚多。未敢再勞人力。今恐未能與永洛之役。詔公更不與修。